

ASun Wankláán Ání
Yohane
 Lówanlín

¹ Asa ɔyí lebelun a, Asún ámu bu unv. Asún ámu mua Bulu bu unv. Asún ámu gyí Bulu.

Asún Ání Itehá Nkpa

² Asún ámu mua Bulu bu unv asa ɔyí lebelun. ³ Musú Bulu lótsun bwe tógyító. Tótótó má unvá Bulu lóbwe tsun mu ɔma. ⁴ Mvto nkpa itsú. Nkpa ámu tópu wanki ba ahá fée ní. ⁵ Wanki anfi tɔwánkí oklúntó, táme oklún mókógyi músú ki.

⁶ Bulu lówa oyin ɔkúá butetí mu Yohane* sísí. ⁷ Ɔleba bebláa ahá wanki amu iwí asún, méni ahá fée bóhɔ asún ámusu gyí. ⁸ Megyí Yohane onutó gyí wanki amu. Mu mú wanki amu iwí asún ɔleba bebláa ahá. ⁹ Ɔhá ámuú ogyi wanki onutó, ɔtɔwánkí há ɔhagyíɔha amu ɔbá ɔyító.

¹⁰ Ɔbu ɔyí ánfító. Musú Bulu lótsun bwe ɔyí, táme ɔyí ánfító atsiápu bumebi mu. ¹¹ Ɔleba mu onutó ɔmátó, táme mu pi bumɔhɔ mu. ¹² Táme ɔleha ahá ání bóhɔ mu, hɔ mu gyi fée ɔkpa ání bubwée Bulu abí. ¹³ Amú Bulu abí bwe motsú líntó, ntée nyankpusa apébwetó, ntée oyin ɔwólí ɔkpasu. Mboún Bulu onutó lóbwe amú mu abí.

¹⁴ Asún ámu lébemlí nyankpusa, oletsíá anitó. Awítɔle pú ɔnɔkwali sónn létsíá mvto. Anilówun mu numnyam. Mu Si lówa mu numnyam amu, tsúfé Obí ɔkukúnú ɔkole pé ogyi há mu.

¹⁵ Yohane léle mu súná, tói tsú mu iwí ɔbée, “Ɔni iwí asún neblí mbée, ‘Ɔhá ámuú obuo mi ɔbá ámu dun mi, tsúfé ɔbu unv asa bɔkwí mí’ ” ní.

* 1:6 Asú Ɔbɔpú Yohane

¹⁶ Mu awitɔle itsɔ. Íni sù ɔde awitɔle tsɔtsɔtsɔ ánfɪ wa há anɪ f́éé ní. ¹⁷ Mosesu Bulu mbla ámu ná uleba, táme ɔnɔkwali ḿa awitɔle mú ina anɪ Wíe Yesu Kristosu uleba. ¹⁸ Ɔhaa ḿókówun Bulu kí. Obí ɔkókónú ɔkule pé, mu onutó ogyi Bulu, otsie Ɔsí ámu gyɔpɪsu, Ɔsí ámu tɛhíé kle mu asún ámu, nkule labláa anɪ alíá Bulu gyí.

Asú Ɖbɔpú Yohane Bulu Asún Ɖkanda

(Mateo 3:1-12; Marko 1:1-8; Luka 3:1-18)

¹⁹⁻²⁰ Yudafo ahande ání buɔv Yerusalem bɔwa Bulu igyí ahapú pú Lewifo Yohane wá beɛ buyéfité mu beɛ, ma ogyi? Yohane mési asvansu ɲáín amú. Ɖlele bláa amú ɔbéɛ, “Megyí mígyí Kristo, (ɔhá amúú Bulu ladá mu ofúli amu).”

²¹ Befité mu beɛ, “Mómú fúgyí ma? Fúgyí Elia?”

Ɖlele mú ɔnó ɔbéɛ, “Megyí mígyí Elia.”

Betrá fité mu beɛ, “Fúgyí Bulu ɔnósú ɔtɔípú amúú ɔbéba amu?”

Ɖlele mú ɔnó ɔbéɛ, “Ó-o.”

²² Múú befité mu beɛ, “Ma fuhíé fɔgyi? Bla anɪ, méni abéyébláa ahá amúú bɔwa anɪ ámu. Nkálɪ fúdeblí tsú fú onutó iwɪ?”

²³ Yohane lópu asún ání Bulu ɔnósú ɔtɔípú Yesaia léblí tswɪ lé mú ɔnó ɔbéɛ,

“Mígyí ɔhá amúú ɔdekplón dimbísú ɔbéɛ,

‘Mlitswii anɪ Wíe ikpa ámu ha mu’ amu ni.”

²⁴⁻²⁵ Inu Farisifo akvá bɔwa Yohane wá é befité mu beɛ, “Ní megyí fúgyí Kristo amu, megyí fúgyí Elia ntée Bulu Ɖnósú Ɖtɔípú amúú ɔbéba amu é á, ntogyi sù fude ahá asú bɔ?”

²⁶ Yohane léle mú ɔnó ɔbéɛ, “Ntsu ndepvbó ahá asú, táme ɔha ɔku bu mlɪtɔ nfi, mlíméyín mu. ²⁷ Mvgyí ɔhá ání obuɔ mi ɔbá ní. Mmɔfun ání nésankí mu ntukɔta ɔfé kpán.”

²⁸ Asún ánfɪ f́éé léba Yordan ntsu ɔbun Betania wúluto. Inó Yohane létsiá bɔ ahá asú ní.

Bulu Okúfabi

²⁹ Ɔyi kehe a, Yohane lówun ání Yesu ná ɔbá mu wá. Mú ɔlebláa ahá ámu ɔbé, “Mlɔki, Bulu Okúfabi amu ɔbá á. Musú Bulu tatsun sí ɔyító ahá lakpan kíe amó ní! ³⁰ Mu iwɔ asún neblí mbé, ‘Ɔku buo mi ɔbá. Ɔdun mi, tsúfé ɔbu unu asa bɔkwí mí’ ní. ³¹ Mí onutó mmeyín mu, táme neba nde ahá asú bɔ, méni Israelfɔ bébi ɔhá ání ogyi.”

³² Yohane léblí ɔbé, “Nowun Ɔye Wankíhé amu, ɔlekplí tsú ɔsúsú fé abróduma bogyonká musu. ³³ Mí onutó mmeyín mu, táme Bulu lówa mí ɔbé mbá bɔpu ntsu bɔ ahá asú. Mulébláa mi ɔbé, ‘Ɔhá ámú fówun Ɔye Wankíhé amu ɔbékplí tsú ɔsúsú bogyonká musu ámu ɔbɔpu Ɔye Wankíhé amu bó ahá asú ní.’ ³⁴ Nawun ání ulaba mútó. Mú su nde mu iwɔ adánsie gyí mbé, mogyí Bulu mu Bi ámu ni.”

Yesu Akasípó Agyankpapu

³⁵ Mú ɔyi kehe a, Yohane muva mu akasípó abanyó besankí ba unu. ³⁶ Bréá Yohane lówun Yesu détsúun a, ɔleblí ɔbé, “Mlɔki, Bulu Okúfabi amu ná unu á.”

³⁷ Akasípó abanyó ámu bonu asún ánfɔ. Mú su bekplá buo Yesu. ³⁸ Yesu lédamlí kɔ wun ání bubuo mu. Mú ɔlefíté amú ɔbé, “Ntɔ mlidédunká?”

Befíté mu be, “Osunápu, nkónu futsie?”

³⁹ Yesu léle mú ɔnó ɔbé, “Mlɔba beki.” Mú su ayin abanyó ámu bobuo Yesu yéki mu otsiákpá. Ibóbwe fé ntópwe donatɔ. Betsiá mu wá tá owí.

⁴⁰ Ayin ámú bonu asún ání Yohane léblí tsú Yesu iwɔ, bekplá buo Yesu amutɔ ɔkule gyí Simon Petro mu pio Andrea. ⁴¹ Mú ɔma a, itɔ gyankpapuá Andrea lóbwe gyí, oloyódunká mu pio Simon, bláa mu ɔbé, “Anɔlawun Mesia.” (Mú asɔ gyí, “Kristo”, ɔhá ámú Bulu ladá mu ofúli amu.)† ⁴² Inu ɔlekpa Simon ba Yesu wá.

† 1:41 Kristo igyi Griiki ɔblí, Mesia é igyi Hebri ɔblí.

Yesu léki mu díín, òlèblí òbée, “Fúgyí Yohane mu bi Simon ni. Tsú nde pýa a, bétí fú Kefa.” (Griiki òblító “Petro.” Mú así gyí, “Butá.”)

Filipo Mva Nataniel Tí

⁴³ Ǫyí kẹhẹ a, Yesu lóbwe òbée móyò Galilea òmátó, olowun Filipo. Mú òlèbláa Filipo òbée, “Buo mi.” ⁴⁴ Filipo otsú Betsaida, Andrea mva Petro wúluto. ⁴⁵ Filipo lówun Nataniel, òlèbláa mu òbée, “Anilawun oyin ámú Mose lówanlín mu iwí asún wá Bulu mbla ámutò, Bulu ònósú atópú amu é bōwanlín mu iwí asún ámu. Mu dá gyí Yesu. Mu sí gyí Yosef, otsú Nasaret wúluto.”

⁴⁶ Nataniel léfité mu òbée, “Itò yilé kv bétalí dalí tsu Nasaret wúluto?”

Filipo lébláa mu òbée, “Ba afòbẹkí.”

⁴⁷ Bréá Yesu lówun Nataniel òbá mu wá á, òlèblí òbée, “Israelyin onutónutó ní. Afunu kọkọ ma mutò.”

⁴⁸ Nataniel léfité Yesu òbée, “Nkálí lóbwe febí mí?”

Yesu lélé mú ònó òbée, “Nowun fu bréá fubv pòntò-oyí ámu así unv, asa Filipo lébetí fú.”

⁴⁹ Nataniel lébláa mu òbée, “Osunápú, fúgyí Bulu mu Bi Israel Owíe amu ni.”

⁵⁰ Yesu lébláa mu òbée, “Alí ámú nabláa fu mbée, nowun fu pòntò-oyí ámu así ámu sv fahogyí? Fówun ofúla ání idvni íni.” ⁵¹ Yesu létrá bláa mu òbée, “Ǫnòkwali nde mlí bláa, mlówun ání òsúsú lafínkí, Bulu-abòpυ bude òsúsú yò yínkí bá Nyankpυsa-Mv-Bi ámusv.”

2

Ǫkátsiá Kana Wúluto

¹ Eke sáásí a, betsiá òká Kana wúlu ání ibv Galilea òmátó. Yesu mu yin bv unv. ² Betí Yesu mva mu akasípú é mú así. ³ Bréá amú ntá leta á, Yesu mu yin lébláa mu òbée, “Butráa buma ntá.”

⁴ Yesu lébláa mu ɔbéɛ, “Amú yín, yéɛ megýí mí asún igyi o! Mí bré məkúnyá fun.”

⁵ Mu yin lébláa wóyí ámutɔ asúmpú ɔbéɛ, “Mlɔbwe duka asúngyíasún ání ɔbébláa mlisu.”

⁶ Yudafɔ butɔfwí iwɔ amú amándíé ɔkpasu. Mú su bɔpu awundi akpɔnkpɔnkpɔntɔ asie yáí wóyí ámutɔ. ⁷ Yesu lébláa unu asúmpú amu ɔbéɛ, “Mlisa ntsu bula awundi ámu f́éé.” Lélé besa. ⁸ Inu ɔlebláa amú ɔbéɛ, “Mlisa iku ya nkesu ɔkípu amu.” Besa ya mu. ⁹ Ɖleda mú ɔnó á, iladámli bwé ntá. Omeyín ɔtínéá benya ntá ámu tsú. (Táme asúmpú amu mú buyin.) Inu ɔletɔ ɔká otsiápu amu ya itsétó, ¹⁰ ɔlebláa mu ɔbéɛ, “Nta wankláán ɔhagyíɔha tegyankpá yáí. Ní bonu mú tá asa butɔpú múá uma ale ba. Táme fú mú fapú wankláán ámu yáí bɔfun séi.”

¹¹ Inu gyí osúna gyankpapu ání Yesu lóbwe ní. Ɖɔbwe mú Kana ání ibu Galilea ɔmátó, pólé mu numnyam ɔwan. Ileha mu akasípú bɔhɔ mu gyi.

¹² Inu ɔma a, Yesu mua mu yin, mu apió pú mu akasípú bɔyɔ Kapernaum wúlutɔ, yétsiá unu nke kpalobí.

Yesu Bulu Ɖtswékpa Yɔ

(Mateo 21:12-13; Marko 11:15-17; Luka 19:45-46)

¹³ Bréá nkeá Yudafɔ bópugyi Israelfɔsu Katsun Nke lowie wóyí tá á, Yesu lódu yó Yerusalem. ¹⁴ Ɖɔyɔ Bulu ɔtswékpa amu wunsinésú yówun ání ahá buɔɔ nnantswie, akúfa pú abróduma fe. Olowun aku é butsie mpúnúasɔ buɔɔ kóba tséɛ. ¹⁵ Inu ɔɔbwe mpli, wíé amútó, gyáa amúa mbwi ámu f́éé dáli. Olowutá kóba atsépu amu mpúnú dá, dá amú kóba sáin. ¹⁶ Mú ɔlebláa abróduma afeɔpú ámu ɔbéɛ, “Mlile amú nfi! Mlumápu mí Sí wóyító bwé mli ibiá ogyíkpa.” ¹⁷ Iná ileba ali su á, mu akasípú amu bekaín Bulu asun wanlínhé anfisú. “Fú osúmkipá amu asún ihíé igyi mí asunbogya.”

¹⁸ Yudafo ahande amu beba Yesu wa befité mu be, “Osúna mōmu fōbwe púsúná aní aní Bulu túmito fúde íni bwe?”

¹⁹ Yesu lébláa amú obé, “Mlibwie Bulu otswékpa anfi, nópu nkensá yí mú.”

²⁰ Yudafo ahande amu bebláa mu be, “Nfi advana-sie kéké bəpuyi obu anfi. Mú fú mú fe, fōpu nkensá yí mú?”

²¹ Táme mu nyankpusa-oyí iwa asún odebli, megý Bulu otswékpa amu. ²² Bréa Bulu lókusúa mu tsú afúlitə oma a, mu akasípú amu bekaín aní odebli asún anfi. Mú su bəhə Bulu asún pú Yesu asun blíhé amusu gyi.

Yesu Yin Nyankpusa Kluntə

²³ Yesu lóbwe osúna tsətsəotə Israelfəsu Katsun Nke ámutə bréa obu Yerusalem, ahá tsətsəotə bowun. Mú su bəhə mu gyi. ²⁴ Táme Yesu mōpu ansí dínká amósú, tsúfé oyin alía amú féé bugyi. ²⁵ Mehián aní ohaa obébláa mu oha iwa asún, tsúfé mu onutó oyin asún aní ibu nyankpusa kluntə.

3

Yesu Mwa Nikodemo

¹ Yudafo ohande oku létsiá, butetí mu Nikodemo. Farisiyin ogyi. ² Obeba Yesu wa eke oku onyé bebláa mu obé, “Osunápú, aniyin aní Bulu lówa fú sísí fé ató osunápú. Tsúfé ohaa méetalí bwé osúna anfi fúdebwe anfi, ní Bulu móbúo mu.”

³ Yesu léle mú onó obé, “Onəkwali nde fú bláa, ohaa méetalí nyá Bulu ogyi iwé musu, nkéti balákwí mu.”

⁴ Nikodemo léfité mu obé, “Nkálí bélakwí oha aní aladan? Obétalí sánkí wíe mu yin iputə, obélakwí mu?”

⁵ Yesu léle mú onó obé, “Onəkwali nde fú bláa. Ní bumelakwí oku tsun ntsu múa ohe Wankíhétə á, oméetalí wíe Bulu iwíegý ámutə. ⁶ Oyułúv nkpa itsú nyankpusatə, ojetó klé é itsú Bulu ojetó. ⁷ Mú su máha mú iwa fú

wánwan ání nabláa fɔ mbée, ilehián ání bɛlakwíi mli. ⁸ Afú tɔtsɔn yɔ ɔtínéá ideklé. Fɔtonú mú nka, táme fɔmeyín ɔtínéá itsú pú ɔtínéá iyó. Alí kén igyi há ɔhagyíɔha ání bakwíi mu tsú ɔɣé ámuɔ ní.”*

⁹ Nikodemo léfité mu ɔbée, “Ngya ntɔ asún ní?”

¹⁰ Yesu léle mú ɔnɔ ɔbée, “Israelfɔ osunápú yilé fɔgyi, mú fɛe fɔmɔkónú asún ánfɔ asi? ¹¹ ɔnɔkwali nde fú bláa. Tóá anyin iwɔ anidétɔi tsú, tóá anulawun é iwɔ anidé adánsɛ gyí, táme mli tamahɔ anɔ asún ámu. ¹² Ní nebláa mli tóá ide músú yɔ ɔyí ánfɔ, mli mólóhogyi a, nkáli íbɔbwe nebláa mli tóá ide músú yɔ ɔsúsú mbóun mólóhogyi? ¹³ ɔhaa mókúdu yó ɔsúsú unu kí, nkéti Nyankpusa-Mu-Bi ámuú olotsu unu ba amu.

¹⁴ “Alí ámuú Mose lɔpu kɔɔbri iwɔ sián oyísú, tsú mú líi dimbísú unu ámu a, alí kén ilehián ání bɛda Nyankpusa-Mu-Bi ámu mántá oyísú, tsú mú líi,† ¹⁵ méni ɔhagyíɔha ání ɔlɔhɔ mu gyi obénya nkpa ání itamatá ní. ¹⁶ Tsúfé dwé Bulu léhie dwé anyánkpúsa. Mú su ɔlɔpu mu Bi ɔkukónú ɔkule pé ámu há, méni ɔhagyíɔha ání ɔlɔhɔ mu gyi omóowu, mbóun obénya nkpa ání itamatá. ¹⁷ Bulu mɔpu mu Bi ámu sísi ɔyí ánfɔ ɔbée, ɔbá begyi ahá asún, ɔha ahá ipón, mbóun ɔbée, ɔbá bɔhɔ ahá nkpa.

¹⁸ “ɔhá ání ɔlɔhɔ mu Bi ámu gyi lagyi asu. ɔhá ání ɔmɔhɔ mu Bi ámu gyi a, Bulu lahá mu ipón dodo, tsúfé ɔmɔhɔ mu Bi ɔkule pé ámu gyi. ¹⁹ Alí ɔbéha ipón ámu gyí, wanki amu laba ɔyító, táme ahá bɔdwe oklún dun wanki amu, tsúfé lalaha abwɛpú bugyi. ²⁰ ɔhagyíɔha ání ɔtɔbwé lalaha tolu wanki amu. ɔtamakpókpe mantáa mú, tsúfé ɔde ifú nya ání mu bwehé bɛlun ɔwan. ²¹ Táme ɔhá ání ɔtɔbwé yilé tɛhá wanki amu tɔwánkí wólí musu, méni ahá bówun ání Bulu apé ɔdebwɛ.”

* ^{3:8} ɔɣé mɔa afú lɛlian aba Griiki ɔblítɔ. † ^{3:14} MU oyikpalíhesu sián iwɔ asún ɔdeblí.

Yesu Mva Asú Ɖbɔpú Yohane

²² Ɔnɔ ɔma a, Yesu mva mu akasípú bedali Yerusalem yó Yudea ɔmátó. Betsiá unv kpalobí, oletsíá bɔ ahá asú.

²³ Alí bré ámutɔ á, Yohane é dé ahá asú bɔ Aenon nsáuntɔ, mantáa Salim wúlu. Tsúfɛ ntsu dada nsiné unv. Ahá betsíá yó mu wá, oletsíá bó amú asú. ²⁴ (Bumɔkúnyá kítá Yohane tswi obu alí bré ámutɔ.)

²⁵ Ɔwígyuráa iwí nwéengyí ku lɛba Yohane akasípú pú Yudayin ɔku nsiné. ²⁶ Inv Yohane akasípú bɔyɔ mu wá yébláa mu beɛ, “Osunápú, yéɛ fakáin oyin ámúbú fúa munyɔ mlílɛtsiá Yordan bunkpa ɔbun, fegyí mu iwí adánsɛ wankláán ámvsu? Ɖɔɔ ahá asú bɔ, ahá fɛɛ buɔɔ mu wá yɔ.”

²⁷ Yohane léɛ mú ɔnó ɔbéɛ, “Ɖhaa méɛtalí bɔwé tɔtɔ, nkétu Bulu lahá mu ɔkpa. ²⁸ Mli onutó mlɛtalí gyi mi adánsɛ ání nɛbláa mli mbéɛ, ‘Megyí mígyí Kristo amv, táme Bulu lówa mí gya mu nkpa.’ ” ²⁹ Inv ɔɛha amú yébi ɔbéɛ, “Ɖká otsiápu bú mu ka. Ɖká otsiápu amv mu nyawie é tetsiá ɔká otsiákpá unv, méni ansí bégyi mu ní onú mu nyawie amv ɔmɛ. Alí kén ansí ɔɛ mí gyí séi ní. ³⁰ Mí atumabi béta wíé mu kletɔ.”

Ɖhá Ání Olotsu Ɖsúsú Ba

³¹ Ɖhá ámúbú otsú ɔsúsú ámu dun ɔhagyíɔha. Ɖhá ání otsú ɔsulúsv é gyí ɔsulúsv ɔha. Ɖsulúsv asún ɔteblí, táme ɔhá ání otsú ɔsúsú dun ɔhagyíɔha. ³² Otegyi tóá alawun pú tóá alanú iwí adánsɛ, ɔhaa tamahɔ mu asun blíhé.

³³ Táme ɔhagyíɔha ání ɔlɔhɔ mu asun blíhésv gyi dé músú si ání Bulu asún igyi ɔnɔkwali. ³⁴ Ɖhá ámúbú Bulu lówa ámu telé Bulu asún blí, tsúfɛ Bulu tɔpú Ɖhɛ ámu bólá mutɔ.

³⁵ Ɖsí ámu tɔɔwé mu Bi ámu, alapú túmi fɛɛ wá mu ɔbitɔ.

³⁶ Ɖhagyíɔha ání ɔlɔhɔ mu Bi ámu gyi bu nkpa ání itamatá. Ɖhagyíɔha ání ɔmɔhɔ mu gyi má nkpa ání itamatá. Bulu isubítí é idun mvsu.

4

Yesu Mva Samariayintse Ɔku

¹ Farisifo bonu ání Yesu dé abúopu nya, bó amó asú dun Yohane. ² (Táme megyí Yesu onutó dé amó bə. Mu akasípú dé amó bə.) ³ Bréá Yesu lébi ání Farisifo ámu banú asún ánfí á, ɔledali Yudea ɔmátó yínkí yó Galilea ɔmátó. ⁴ Táme lehián ání ɔbótson Samariafa ɔsulúsu.

⁵ Yesu lóyówie Sikar ání igyi Samaria wúlu kutə. Wúlu anfi bu mantáa ɔsulúbu kvá Yakob lópohá mu bi Yosef bímbí ámu. ⁶ Inú Yakob ibún bu ni. Ɔkpa ámu bu ifó. Mú su Yesu lótsutsúa obowie inu á, ilapíán mu. Mú su oletsia ibún ámu asi. Ali bré ámutə á, ilabwé fé ɔpawísó.

⁷ Inu á, Samariayintse ɔku léba ntsu ɔsakpá. Yesu lókulí mu ɔbéε, “Nobwíí ipa, ha mí ntsu annu.” ⁸ Ali bré ámutə á, Yesu akasípú bəyó wúluto yóhə atogyihε.

⁹ Yudafə butamapú ibi da Samariafa nwe núu ntsu. Mú su ɔtsi ámu léfité Yesu ɔbéε, “Yudayin fəgyi, mí é Samariayintse ngyi. Nkálí igyi só fude mí ntsu kulí?”

¹⁰ Yesu léle mú ɔnó ɔbéε, “Ní fuyin Bulu atokiehé pú ɔhá ání ɔde fú ntsu kulí á, tekí fókulí mu, ɔbéha fú ntsu ání itehá nkpa.”

¹¹ Ɔtsi ámu lébláa mu ɔbéε, “Ani sí, fumedé ɔfé, ibún ánfito é bu oklú. Nkúnv fénya ntsu ání itehá nkpa?”

¹² Fúdon ani náin Yakob ání olokwi ibún ánfí há ani, mua mu abí pú amó mbwi bonu ntsu mótó?”

¹³ Yesu léle mú ɔnó ɔbéε, “Ɖmewúli bélékítá ɔhagyíɔha ání otonu ibún ánfito ntsu. ¹⁴ Táme ɔhagyíɔha ání obónu ntsuá néha mu a, ɔmewúli méeetrá kítá mu ekekekeke. Ntsu ámuó néha mu amu ibédamlí ntsu ɔwíkpa mutə ání ibélun ha nkpa ání itamatá.”

¹⁵ Ɔtsi ámu lébláa mu ɔbéε, “Ani sí, ha mí ntsu ánfí kv, méni ɔmewúli méeetrá kítá mí, mméeetrá ba nfi é besa ntsu.”

¹⁶ Yesu lébláa mu ɔbéε, “Yeti fú kúlu amluba.”

¹⁷ Ɔtsi ámu léle mú ɔnó ɔbéε, “Mma okúlu.”

Yesu lébláa mu obée, “Ɖnɔkwali igyi fablí ání foma okúlu. ¹⁸ Tsúfě fatsía akúlu tse nu ki. Mégyí fú kúlu gyí oyin ámúú fúa munyo mliná séi ámu é. Fawá ɔnɔkwali.”

¹⁹ Múú ɔtsi ámu lébláa mu obée, “Ani sí, nawun ání Bulu ɔnósó ɔtáípu fuyi. ²⁰ Ani anáin Samariafo bosúm Bulu ibu ánfisu, táme mli Yudafo mú mliaa Yerusalem kóun lehián ání ɔhagyíɔha obósum Bulu.”

²¹ Yesu lébláa mu obée, “Ɖtsi, hɔ mí asún ánfisu gyi. Bré ku béba ání ahá bumétrá súm Ɖsí ámu ibu ánfisu ntée Yerusalem. ²² Mli Samariafo mluméyín ɔhá ání mlidésu. Ani Yudafo mú anyin ɔhá ání anidésu, tsúfě Yudafo su una nkpahóo leba ɔyító. ²³ Bré íbá, ulafun ta ání Bulu asúmpú anɔkwali pu bósu Ɖsí ámu ɔhétó pú ɔnɔkwali su. Tsúfě ahá ánfu odu Ɖsí ámu dédunká obée busúm mu ni. ²⁴ Ɖhě Bulu gyí. Mú su ilehián ání ahá ání butosúm mu bósu mu ɔhétó pú ɔnɔkwali su.”

²⁵ Ɖtsi ámu lébláa mu obée, “Nyin ání Mesia*, (ɔhá ámúú Bulu ladá mu ofúli amu) obéba. Ní ɔbá á, obéle asúngyiasún así súná ani.”

²⁶ Múú Yesu lébláa mu obée, “Mí ánfu nde fú asún bláa ánfu gyí Kristo amu ni.”

²⁷ Inu akasípú amu besankí tsú wúluto ba bɔtu amú. Ilowa amú wánwan ání bawun Yesu mva ɔtsi bulí budetáí. Táme amútó ɔkuku métalí fité obée, “Ntɔ fudedunká tsú mu wá, ntée ntogyi sù fúa ɔtsi ámu mlidétáí?”

²⁸ Ɖtsi ámu lési mu ɔlɔ yáí unu, yínki yó wúluto yébláa ahá obée, ²⁹ “Mlíba amlibeki oyin ɔkúvá alabláa mi tóá nabwé ki féé. Mlilahogyi mliaa, megyí Kristo amu ni?”

³⁰ Mú su ahá bedali tsu wúlu amuto beki Yesu.

³¹ Ali bré amuto á, mu akasípú ámu bude mu kokóli be, ogyíí ató.

³² Táme ɔlebláa amú obée, “Mbu tóá négyi, mluméyín mú lwi kukukuku.”

* 4:25 Griikifo tétí Mesia beé Kristo.

³³ Mú su akasípú amu befíté aba bεε, “Ntée òku labelha mu toku alagyi?”

³⁴ Yesu lébláa amú òbée, “Mí atogyihe gyí ání nóbwe tóá òhá ámúú òlowa mí sísí ámu òbée mbwée, ammo mú ònó. ³⁵ Yée mliteblí mlíaa, ‘Tsra ana pé lasí ayó tínbi bófun?’ Táme nde mli bláa mbée, mlitsa ansí kí adòbúu amuto, ayó ámu ilabli fon tín. ³⁶ Bude mu atínpu akò ka dodo. Bude mú tín yaí há nkpa ání itamatá. Mú su ansí bégyi adupú múa atínpu amu fée ekewóle. ³⁷ Mú su ònòkwali igyi buteblí bεε, ‘Òku todú, òku é tetun.’ ³⁸ Nòwa mli mbée mliyétun ayóá mlumóyo mú odukpá. Aha bambá lóyo mú iwí agyómá, ulawá labi há mli.”

³⁹ Samariafóá bubu wúlu amuto tsòtsòtsò bòhò Yesu gyi, adánsie ámúú òtsi ámu légyi suná amú òbée, “Alabláa mi tógyítóá nabwé mí nkpatò fée” ámu su. ⁴⁰ Íni su bréá beba Yesu wá á, bokokóli mu bεε, òtsía amú wá. Yesu létsiá unu nkenyó.

⁴¹ Yesu asun blíhé su Samariafò ámu tsòtsòtsò é belahò mu gyi. ⁴² Bebláa òtsi ámu bεε, “Megyí fú asòn ámu sù anilétrá hò mu gyi ngya o. Aní onutó anílanú, anílawun ání lélé oyin ánfí gyí òyító Nkpa Òhòpu amu ni.”

Òhande Òku Mu Bi Ilo Tsa

⁴³ Nkenyó ámu òma a, Yesu lénatí yó Galilea òmátó. ⁴⁴ (Tsúfé mu onutó olowun blí òbée, “Butamabú Bulu ònósú òtòipú mu onutó òmátó.”) ⁴⁵ Bréá olowie Galilea a, unfò bòhò mu atúu, tsúfé amú onutó bòyo Yerusalem Yudafoso Katsun Nke ámu ogyíkpá. Mú su bowun tóá òlòbwe unu fée.

⁴⁶ Yesu létrá yinkí yó Galilea òmátó, Kana wúluto, òtíné ámúú òledamli ntsu bwé ntá ámu. Òmá òhande òku tsie Kapernaum wúluto. Òbu obi yinhé òkúá òda òdelò. ⁴⁷ Bréá òhande amu lónu ání Yesu latsú Yudea ba Galilea a, olegya mu òkpa yókokóli mu òbée, mu bi yínhé lawú tá, òkplíu ba Kapernaum, òbetsa mu ilo ha mu. ⁴⁸ Yesu lébláa mu

ἄβέε, “Μὴ σου νί μλμῶκῶwun osúna a, μλμῶῶhῶ μῖ gyi ekekeεεke?”

⁴⁹ Ὡμά ῶhande amu lébláa mu ἄβέε, “Ὡwíé! Ní aní ayabi mῶwa ῶsa á, kebi ámu obówu.”

⁵⁰ Yesu lébláa mu ἄβέε, “Υῶ! Fú bí ámu obénya nkpa!”

Oyin ámu lóhῶ asún ámú Yesu lébláa mu amvsu gyi, oleyinkí ῶyῶ wóyí. ⁵¹ Bréá ῶyῶ á, mu asúmpú beba befia mu, bláa mu beε, “Fú bí ámu lanyá nkpa.”

⁵² Inu ῶlefíté amú bréá iwí lῶwa mu bi ámu ῶnlun. Bebláa mu beε, “Ὡwísó ámu lési mu ígye ῶpa ῶῶῶ-kuletῶ.” ⁵³ Inu á, ῶlekaín ání alí bré ámutῶ kén Yesu lébláa mu ἄβέε, mu bi ámu obénya nkpa ní. Iní su mua mu wóyítῶfῶ fée bῶhῶ Yesu gyi.

⁵⁴ Iní gyí osúna nyῶῶsiá Yesu lóbwe bréá olotsu Yudea ba Galilea ni.

5

Tsukule Osínpu ῶku lῶ Tsa

¹ Asún ánfi ῶma a, Yesu lῶῶv yῶ Yerusalem Yudaῶ Bulusúm nke ku ogyíkpa. ² Bῶpwe buntíi wá wúlu amu. Bokwi ibún ku mantáa buntíi amu ῶkpa ῶnῶ kuá butetí mú Akúfa ῶtsúnkpa. Butetí ibún ámu Betesda Hebri ῶblítῶ. Beyi mbu anu bómlí mú. ³⁻⁴ Alῶpu tsῶtsῶῶtsῶ bubun ibún ámu así mbu ánfítῶ. Amúῶ akv bugyi ansibi abwierú, abῶ pú tsukule asínpu.* ⁵ Oyin ῶkuá alasin tsukule níi advasakwe (38) kéké da inu. ⁶ Bréá Yesu lῶwun mu a, olowun ání alalῶ, dí inu wá ῶpá. Μὴ σου ῶlefíté mu ἄβέε, “Fvdeklé fεε iwí iwá fú ῶnlun?”

* ^{5:3-4} Μῶῶῶ yée 4 bu nwulú dada amu akvῶ: Ibv nu bu inu á, Bulu-ῶbῶpu tobowulíi ntsu ámutῶ. Iní su butsie inu bugyo mu. Tsúfé ní ῶbá bowulíi mú á, fúá fegyankpá wíe mῶῶῶ á, fvtenyá ilῶtsá.

⁷ Tsukule osínpu amu léle mú ònó òbée, “Owíé, ní bowúli ntsu ámutò á, mma òhá ání obótsu mí wá mútò. Nótsutsúa ambòbwe á, òku lagyankpá wíé mútò dodo.”

⁸ Yesu lébláa mú òbée, “Kusu! Tsu fú òklan, afunati!”
⁹ Inununu oyin ámu iwí lówa mu ònlín, òlòkúsú tsú mu òklan, wá natí bi.

Alí eke ámu igyi Yudafo Òkpúnú Òdaké. ¹⁰ Mú sv Yudafo ahande beka oyin ámutú Yesu latsá mu ulò ámu ansító, blí beé, “Nde igyi Òkpúnú Òdaké. Aní mbla meha òkpa ání fósura fú òklan.”

¹¹ Òlebláa amú òbée, “Òhá ámutú òletsa mí ulò ámu lébláa mí òbée, ‘Tsu fú òklan, afunati.’ ”

¹² Mú sv befíté mu beé, “Ma lébláa fu òbée, futsúu fú òklan afunati?”

¹³ Oyín ámu mébi òhá ání òletsa mu ulò, tsúfé ahá bohíé butso inu, Yesu lófwí wá amútò.

¹⁴ Òma a, Yesu lóyówun mu Bulu òtswékpa inu. Múú òlebláa mu òbée, “Yéé fawun ání iwí lawá fú ònlín. Mátrá bwe lakpan, méní múá idun ínì mééba fusu.”

¹⁵ Oyín ámu léyébláa Yudafo ahande amu òbée, Yesu létsa mu ulò. ¹⁶ Ínìá Yesu dé ntobí ánfí odu bwe òkpúnú òdaké sv á, Yudafo ahande amu bowa mu kpekpée bi.
¹⁷ Táme Yesu lébláa amú òbée, “Mí Sí mókúsí agyómá yò. Mú sv mí é mmókúsí.”

¹⁸ Mu ason blíhé anfi sv á, Yudafo ahande amu bekle ání bómo mu òkpagyòkpasu. Tsúfé megyí òkpúnú òdaké mbla ámu nkule tóun sv, mboún òleblí òbée, mu sí gyí Bulu, ilosuná ání mva Bulunyò bugyi kékée.

Bulu Téhá Mu Bi Ámu Túmi

¹⁹ Yesu léle mú ònó òbée, “Ònòkwali nde mli bláa. Mí Bulu mu Bi ánfí onutó mméetalí bwé tòtò mí iwísv. Tóá nowun ání mí Sí débwe á, mú ntòbwé. ²⁰ Tsúfé mí Sí tódwé mí, otosuná mí itóá mu onutó òdebwe féeé. Inn! lbówa mli wánwan ání obósuná mí múá idun alí. ²¹ Alí ámutú mí Sí tókúsá ahá tsú afúlitò, há amú nkpa ámu a, alí mí é ntehá

ahá ání ndeklé nkpa ní. ²² Mí Sí tamagyi asún há ipón, táme alapú asúngyí f́éé wá mí ibuto, ²³ méni ÷hagyí÷ha obóbu mí fé alíá otobú mí Sí ámu. ÷há ání ÷tamabú mí tamabú mí Sí ámúb ÷lõpu mí sísí ámu é.

²⁴ “÷nøkwalí nde mli bláa mbéé, ÷hagyí÷ha ání otonú mí asún, ÷toho ÷há ámúb ÷lõwa mí sísí ámu gyi, bu nkpa ání itamatá. Bulu méegyi mu asún, há mu pón, tsúfé aladáli lowuto ba nkpatõ dodo. ²⁵ ÷nøkwalí nde mli bláa. Bré ku íbá. Bré ámu ilawúna fun ání ahá ání bugyi fé aha wuhé† bónu Bulu mu Bi ámu ÷me. Amúbá bonu mú bénya nkpa. ²⁶ Tsúfé mí Sí búv túmi, ÷tehá nkpa. Alí kén alahá mí áñfi ngyi mu Bi áñfi túmi, ÷béé nháa ahá nkpa ní. ²⁷ Alahá mí túmi ÷béé, ngyii ahá asún, tsúfé mígyí Nyankpõsa-Mu-Bi ámu ni. ²⁸ Asún áñfi umáwa mli wánwan. Bré ku íbá, afúli f́éé bónu mí ÷me, ²⁹ kúsú. Amúbá bõbwe yilé b́elakúsú, nyá nkpa ání itamatá. Amúbá bõbwe laláhe a, négyi amó asún, há amó ipón.”

³⁰ “Mméetalí bwé tõtõtõ mí iwísv. Asún ání nonú tsú mí Sí wá á, mú ntõpõgyí asún. Mú sù ntegyi asún ÷nøkwalísv ní. Tsúfé ntamabwé tóá mí onutó ndeklé, mboun tóá ÷há ámúb ÷lõwa mí sísí ámu tekle.”

Yesu Iwí Adánsie Wankláán Agyípó

³¹ Yesu lóyo músú blí ÷béé, “Ní mí onutó negyi mí iwí adánsie á, mlumóho mú ání ÷nøkwalí igyi.‡ ³² Bulu é tegyi mí iwí adánsie. Nyin ání mí iwí adánsie ámúb odegyí amu igyi ÷nøkwalí. ³³ Mlilawá abí sísí Yohane. Alabláa mli ÷nøkwalí amu. ³⁴ Mí mú á, mmehián anyánkpõsa adánsie. Mboun nde mli asún áñfi bláa, méni Bulu ÷bóho mli nkpa. ³⁵ Yohane asun blíhé lõbwe fé ÷kandíe ání idewankí. Mú sv mlilótsulá gyi mú ÷dwe kpalobí. ³⁶ Mbu tóá itegyí mí iwí adánsie, idun Yohane klé amu. Agyómá ámúb mí Sí lawá

† 5:25 Ahá ání bawú ÷hétó. ‡ 5:31 Mose mbla lósuná ání ahá abanyó gyí adánsie.

ɔbée mbwée mɔ mú ɔnó, nde mú bwe ámu dé adánsie gyí ání mulówa mí sísí. ³⁷ Mí Sí ámbú ɔlɔwa mí ámu onutó lagyi mí iwí adánsie. Mlumókúnu mu ɔme, mlumókówun mu é ki. ³⁸ Mlumóhɔ mu asún wá mli klvntɔ, tsúfé mlumóhɔ mí ámbú ɔlɔwa sísí ámu gyi. ³⁹ Mlíkiá mlénya nkpa ání itamatá tsú Bulu asvɔn wanlínhé amutɔ. Mú sɔ mli ansí lapé, mlidé mú kasí ní. Mí iwí adánsie Bulu asvɔn wanlínhé amv idegyí. ⁴⁰ Táme mlulakíná mí wá bá, méní mlénya nkpa ámu.

⁴¹ “Mmedédunká mbée, ahá bukánfv mí, ⁴² tsúfé nyin mli dodo. Nyin ání mlitamadwé Bulu tsú mli klvntɔ. ⁴³ Naba mí Sí dátó, mlumóhɔ mí. Táme ní ɔha bambá ɔbá mu onutó iwísv á, mlóhɔ mu. ⁴⁴ Mlitekleá mlékanfú aba, táme mlitamabó mbódí ání Bulu ɔkvlé pé ámu ɔkánfv mli. Nkálí íbóbwe mlóhɔ mí gyi? ⁴⁵ Mlumáki mliaa, néle mli ílá mí Sí ansító. Mose ámbú mli ansí ídín mvsv mliaa ɔbóhɔ mli nkpa ámu mboún ɔbéle mli ílá Bulu ansító ní. ⁴⁶ Ní léle mlúhɔ Mose asúnsú gyi a, tekí mlóhɔ mí asúnsú gyi, tsúfé mí iwí asún ɔlɔwanlín tswí. ⁴⁷ Táme íniá mlumóhɔ tóá ɔlɔwanlín tswísv gyi a, nkálí íbóbwe mlóhɔ mí asvɔn blíhésv gyi?”

6

Ahá Mpím-nu Atogyihe Ha

(Mateo 14:13-21; Marko 6:30-44; Luka 9:10-17)

¹ Íni ɔma a, Yesu mva mu akasípú befa Galilea ɔpvá butetí mú Tiberia amv yó mú ɔbun. ² Ɖɔɔm betsiá buo mu, tsúfé ɔde alɔpv tsa wánwansv. ³ Mva mu akasípú bɔdv yó okúku kusv, yétsiá así inv. ⁴ (Alí bré ámutɔ á, Yudafɔ nkeá bópvgyi Israelfɔsv Katsvɔn Nke ámu ílafvɔn ta.) ⁵ Inv Yesu lótsu ansí fúá wun ání ɔɔm kvɔnkvɔnkvɔntí bebá mu wá. Múv ɔlefíté Filipo ɔbée, “Nkónó abénya atogyihe hɔ ha ahá ánfí bégyi?” ⁶ (Yesu léblí asún ánfí pvsv Filipo kí, tsúfé oyin tóá ɔbóbwe dodo.)

⁷ Filipino léle mú onó obéé, “Ní apú tsra kwe ikaká hɔ atogyihe kúráá á, umóofun ání okugyíoku obénya kpalobí gyí!”

⁸ Simon Petro mu pio Andrea, ogyi akasípú amutɔ ɔkule lébláa Yesu obéé, ⁹ “Oyimbi ɔku dé bodobodo apín pútúpútú anu pú ntsutso iye bwáhé anyɔ. Táme ntɔ íni bóbwe ahá tsɔtsɔtsɔ ání?”

¹⁰ Yesu lébláa mu akasípú amu obéé, “Mliha amú abutsiatsia asi.” Ahá ámu fée betsiá ifású. Ayin ání bubu amótó bóbwe fé mpím-nu (5,000). ¹¹ Mú Yesu lóhɔ bodobodo amu, dá Bulu ipán, ɔleha beye mú há ahá ámú butsie unu ámu. Ali kén ɔlbwe ntsabi buáhé amu é ní. Amótó okugyíoku lénya alá odeklé. ¹² Begyi mwe sian. Yesu lébláa akasípú amu obéé, “Mlukula síanhe amu, méni umóobwe atɔ yintáhé.” ¹³ Lélé, bɔtsí síanhe amúb benya tsú bodobodo anu ámutɔ ámu. Ulobulá alakpá dúanyɔ kéké.

¹⁴ Ahá ámu bowun osúna anfi Yesu labwé ání. Mú su beblí beé, “Lélé, oyin ání gyí Bulu onósú ɔtɔipú amúb bɔwanlín mu iwí asún wá Bulu asúntó beé, obéba ɔyító ámu ní.” ¹⁵ Yesu lówun ání ahá ámu babwé agywun beé, béba bekitá mu ɔwonlínntó yái mu iwíe. Mú su mu nkule ɔleladú yó nkpá sí amú.

Ɔpusu Natí

(Mateo 14:22-33; Marko 6:45-52)

¹⁶ Bréá owí lɔpɔn a, Yesu akasípú beklí ba Galilea ɔpu onó. ¹⁷ Owí latá, táme Yesu mókúyínkí bɔtu amú. Mú su bɔdu wíe ɔkluntɔ, buɔefa bɔyó Kapernaum. ¹⁸ Afú kpɔnkpɔnti ku léba idetsúun, ɔpu amu lówa dabi. ¹⁹ Ali bré ámutɔ á, akasípú amu baplá ɔklun amu yó fé máli asa ntée ana. Inu bowun ání Yesu ná ɔpu amusu obá amú wá. Mú su ifú lekítá amú. ²⁰ Táme Yesu lébláa amú obéé, “Mí ní, mlumánya ifú!” ²¹ Inu botsu mu wá ɔklun amutɔ ansigyísú.

Ilotsutsúa iwanki amú á, òklun amu lawíé osubúnò, òtíné amúó báyó ámu.

Yesu Dunká

²² Ǫyí kehe a, òðòm amúó besi bubu ǫpu amu òbin unu ámu bowun ání òklun kuku itráa melíí unu. Múá teki ulí unuò akasípú amu bowie náti ní. Bowun ání Yesu mówie mútó asa benatí. ²³ Mú òma a, nklun aku lótsu Tiberia wúlutò belí mantáa òtíné amúó begyi bodobodo amúó Yesu léda Bulu ipán púhá amú ámu. ²⁴ Ǫðòm amu bowun ání Yesu lanatí unu, mu akasípú amu é buma unu. Mú su bòdu wíé nklun amuòtò yó Kapernaum, bude Yesu dunká.

Bodobodoá Itchá Nkpa

²⁵ Bréá òðòm amu boyówun Yesu ntsu òbin unu á, befíté mu bee, “Osunápu, bré mòmumu fobowie nfi?”

²⁶ Yesu lébláa amú òbéé, “Ǫnòkwali nde mli bláa. Megyí osúna amúó ndebwe mlidéwúun amu su mligyá mí òkpa. Mboún bodobodo amúó neha mli, mliégýí mwe ámu su. ²⁷ Mlumáwun ipian atogyihe ání iteyíntá su. Mboún mliwun ipian múá ibétsiá yó, ibéha nkpa ání itamatá, ání mí, Nyankpusa-Mu-Bi ánfí néha mli su. Tsúfé mí mí Sí Bulu lahue nsu ání mbu òkpa há mú.”

²⁸ Befíté Yesu bee, “Gyuma mòmumu abwée isuna ání anidé tóá Bulu tekle bwe?”

²⁹ Yesu léle mú ònó òbéé, “Tóá Bulu déklé òbéé mliwbée gyí, mlihò mí ánfí òlòwa sísí ánfí gyí.”

³⁰ Inu befíté Yesu bee, “Osúna mòmumu fóbwe abówun, méni abóhò fu gyí? Ntò fóbwe? ³¹ Aní anáin begyi mana dimbí ámusu. Bòwanlín mú wá Bulu asún ámuòtò bee, ‘Mose léha amú atóá ilotsu òsúsú bá begyi.’ ”

³² Múú Yesu lébláa amú òbéé, “Ǫnòkwali nde mli bláa. Megyí Mose léha mli atogyihe amu tsú òsúsú. Mí Sí léha mli bodobodo onutónutó ámu tsú òsúsú. ³³ Tsúfé bodobodo ání Bulu tchá gyí mí ánfí natsú òsúsú bá, nebá beha òyító ahá nkpa ánfí.”

³⁴ Ahá ámu bebláa mu βεε, “Owíé, tsia ha aní bodobodo anfi brégyíbré, tsú séi púya.”

³⁵ Yesu lébláa amú obéε, “Mígyí bodobodo amúú itehá nkpa ámu ni. Akún méεkitá ohá aní oléba mí wá ekekeεεε. Omewóli méεkitá ohá aní oléba mí gyi é ekekeεεε. ³⁶ Fé alíá nebláa mli á, mlilawun mi, táme mlumókóhó mi gyi bofun séi. ³⁷ Ohagyíohá aní Osí ámu léha mí obéba mí wá. Mméεgya ohagyíohá aní oléba mí wá. ³⁸ Tsúfé mmotsu osúsú ba mbéε, nebá bobwe tóá ndeklé. Mboún tóá ohá amúú oléba mí sísí ámu déklé obwekpá neba. ³⁹ Tóá ohá amúú oléba mí sísí ámu déklé gyí, ahá amúú oléba mí amúú oléba mí sísí ámu déklé gyí, ahá amúú oléba mí sísí ámu déklé gyí, mli á, mlilawun mi, táme mlumókóhó mi gyi bofun séi. ⁴⁰ Tóá mí Sí ámu tekle gyí, ohagyíohá aní oléba mí, mu Bi anfi, hó mi gyi obénya nkpa aní itamatá. Nókúsúba mu tsú afúlito eke tráhe amu.”

⁴¹⁻⁴² Ínuá Yesu léblí obéε, “Mígyí bodobodo amúú notsu osúsú ba amu ni” su á, Yudafó ámu bowa mu wuntí bi. Βεε, “Megyí Yosef mu bi Yesu amu ni? Animéyín mu si mua mu yin? Okpa mōmu sú obéblí obéε, ‘Osúsú notsu neba?’ ”

⁴³ Yesu lébláa amú obéε, “Mlisi wuntí mli woléwule. ⁴⁴ Ohaa méetalí ba mí wá, nkéti mí Sí amúú oléba mí sísí ámu lakpá mu ba mi. Mí é nókúsúba mu tsú afúlito eke tráhe amu. ⁴⁵ Bulu ohósú atáípu amúú oléba mí sísí ámu déklé, ‘Bulu obósuná ahá fée ató.’ Ohagyíohá aní alanú mí Sí asón, kásí mú tsú mu wá teba mí wá. ⁴⁶ Ohaa mókówun Osí ámu ki. Mí anfi notsu Bulu wá bá anfi nkule lāwun mu ki. ⁴⁷ Ohokwali nde mli bláa. Ohagyíohá aní oléba mí gyi bu nkpa aní itamatá. ⁴⁸ Mígyí bodobodoá itehá nkpa ní. ⁴⁹ Ínuá mli anáin begyi mana dimbísú óó á, amú fée bowu. ⁵⁰ Táme bodobodo anfi gyí múa ilatsú osúsú bá, méni ohagyíohá aní obégyi mú móowu ní. ⁵¹ Mígyí bodobodo amúú ntehá nkpa, natsú osúsú ba amu ni. Ohagyíohá aní ogyi bodobodo anfi obétsiá nkpa, omóowu ekekeεεε. Mí

ɔyulúv gyí bodobodo amu. Mú nési há, méni ɔyítófɔ bénya nkpa ní.”

⁵² Inu Yudafo ámv benya asún anfi Yesu lablí ánfí iwí ɔbló. Amú wolewole begyi aba nwéen beɛ, “Nkálí oyin ánfí ɔbétalí pú mv ɔyulúv há aní ɔbéɛ agyíi?”

⁵³ Yesu lébláa amú ɔbéɛ, “Ɖnɔkwali nde mli bláa. Ní mlumégyi mí, Nyankpusa-Mv-Bi ánfí ɔyulúv, nu mí obugya a, mli má nkpa ání itamatá kɔkɔvku mlítɔ. ⁵⁴ Ɖhá ání olegyi mí ɔyulúv, nu mí obugya bu nkpa ání itamatá. Nókvsúa mv tsú afúlitɔ eke tráhe amu. ⁵⁵ Tsúfé mí ɔyulúv igyi atogyihe onutó, mí obugya é igyi atonuhe onutó. ⁵⁶ Ɖhá ání ogyi mí ɔyulúv, nu mí obugya tsie mitɔ, mí é ntsie mutɔ. ⁵⁷ Mí Sí Ɖkiankpavv amu lówa mí sísí. Mv sù mbv nkpa. Mú sv fúá fegyí mi a, mí sv fú é fubv nkpa. ⁵⁸ Mígyí bodobodo onutóá notsu ɔsúsú ba ni. Mli anáin begyi mána, táme bowu. Ɖhá ání ogyi bodobodo anfi mú obétsiá nkpa ání itamatá.”

⁵⁹ Yesu léblí asún ánfí bréá ɔde ató suná Kapernaum, Yudafo offiakpa.

Nkpa Ání Itamatá Asún

⁶⁰ Yesu abúopv tsɔtsɔtsɔ ámutɔ aku bonu asún ánfí á, beblí beɛ, “Atosunáhé ánfí mú bu ɔnlɔn o! Ma ɔbétalí hɔ mú?”

⁶¹ Yesu lówun ání mv abúopv amutɔ aku buɔde wunti ání alabli alí sv á, ɔlefíté amú ɔbéɛ, “Asún ánfí ilahan mli? ⁶² Múmú ní mlowun Nyankpusa-Mv-Bi ámv ɔyó ɔtínéá olotsu ba me, nkálí mlóbwe? ⁶³ Bulu Ɖhé ámv téhá nkpa. Nyankpusa ɔwɔnlín mú á, kpaali ígyi. Asún ánfí nde mli bláa anfi itsú Ɖhé ámvú ɔtehá nkpa ámv wá, ⁶⁴ táme mlítɔ aku bumɔhɔ músú gyi.” Yesu lówun amúá bumɔhɔ músú gyi pú ɔhá ání ɔbéle mv há yáí dodoodo. ⁶⁵ Ɖletrá bláa amú ɔbéɛ, “Iní sù nebláa mli mbéɛ, ɔhaa méetalí ba mí wá, nkéti mí Sí lakpá mv ba mi” ní.

⁶⁶ Tsú eke ámu a, Yesu abúopu amu tsotsòtsò beyinkí mu òma, bumetrá buo mu. ⁶⁷ Mú su Yesu léfité mu akasípú dúanyò ámu òbéé, “Mli é mli dékléá mléyinkí mí òma lóó?”

⁶⁸ Simon Petro lébláa mu òbéé, “Owíé, ma wá abóyo? Fú wá asún ání itehá nkpá ání itamatá bu. ⁶⁹ Anilahogyi, anilabí ání fógýí Òha Wankíhé amúbú fotsú Bulu wá ámu ni.”

⁷⁰ Inu Yesu lébláa amú òbéé, “Mli ahá dúanyò nele, táme mlitò òku gýí òbunsám!” ⁷¹ (Simon Iskariot mu bi Yuda òde á. Tsúfè ogyi akasípú dúanyò ámutò òkule. Mu òbéé mu há ní.)

7

Yesu Mva Mu Apio Yinhé

¹ Mú òma a, Yesu létsiá kí Galilea òmátó. Omekléá òbóyo Yudea òmátó, tsúfè Yudafò ahande amu bude mu téé abumò mu. ² Táme Yudafò Kantankpatòtsiá Nkegyí lafun. ³ Mú su mu apio yinhé bebláa mu beé, “Nati yo Yudea nke ámu ogyíkpá, ménu fú abúopu amúbú bubu unu ámu é bówun ofúla ání fudébwé. ⁴ Òhá ání odekléá ahá bubú mu gyumagyihe tamarjáin iwi. Iniá fúde ntobíá igyi ali bwe á, wuna le mú suna, oyi fée abuwun.” ⁵ (Mu apió ámu kóráá bumòhò mu gyi. Mú su bebláa mu ali ní.)

⁶ Inu su Yesu lébláa amú òbéé, “Bréá nóyo unu məkúnyá fun. Mli mú mlétalí yó unu brégyíbré. ⁷ Oyítòfò buméetalí lú mli, táme mí mú bude mí lu, tsúfè nde amó ilá le. ⁸ Mliyo nke ámutò. Mí mú mməkúnyá yó, tsúfè mí bré məkúfun.” ⁹ Yesu léblí asún ánfí tá á, olesi tsiá Galilea òmátó.

Yesu Kantankpatòtsiá Nke Ámu Ogyíkpá Yo

¹⁰ Táme bréá Yesu apió ámu benatí yó nke ámu ogyíkpá a, mu é olerjáin iwi yó unu. ¹¹ Yudafò ahande amu bodunká mu nke ámu ogyíkpá, bude ahá fité beé, “Oyin ámu me?”

¹² Ɔɔɔm amu beblí asún tsɔtsɔtsɔ nklobító tsú Yesu iwí. Aku bæe, “Ɔha wankláán ogyi.” Aku é bæe, “Ɛkekεεke, ɔɔe ahá mlé.” ¹³ Táme amótó ɔhaa métalí blí mu iwí asún kókló ahá abunu, tsúfée buɔe Yudafo ahande amu ifú nya.

¹⁴ Bréá bowie nke ámu nsíné á, Yesu lóɔw wíé Bulu ɔtswékpa wunsínésú unu yéfi ató suná asi. ¹⁵ Mu atosunáhé lobwie Yudafo ahande amu ɔnó. Mú su befité aba bæe, “Oyin ánfí mókúkásí ɔwuló yó nkpá. Nkáli ilɔbwe asa ɔlebi ɔwuló alí?”

¹⁶ Yesu léle mú ɔnó ɔbéε, “Megyí mí wá atosunáhé anfi itsú. Itsú Bulu wá. Múlówa mí sísí. ¹⁷ Ní ɔku dékléá ɔbóbwe Bulu apé á, obówun ní atosunáhé anfi itsú mí wá ntée Bulu wá. ¹⁸ Ɔhá ání ɔɔe mu onutó asún blí dé mu numnyam dunká. Táme ní ɔku todúnká numnyam há ɔhá ání ɔlɔwa mu sísí á, ɔnɔkwaliɔ ɔhá ámu gyí. Ɔtamawá afunu. ¹⁹ Yée Mose lóɔw mbla ámu ba mli a? Táme mliɔ ɔkuku méde músú gyí. Ntogyi su mliɔ dékléá mlómɔ mí?”

²⁰ Inu ɔɔm amu bebláa mu bæe, “Ɔɔe laláhe bu futɔ! Ma dékléá ɔbómɔ fú?”

²¹ Yesu lébláa amú ɔbéε, “Ofúla kule pé nɔbwe ɔkpúnú ɔɔaké, mli fée ɔnó lobwie mli. ²² Mose lówa mbla há mli ɔbéε, mliɔtún keté. (Ibu mútó ání megyí Mose lótsɔ keté tín, mli anáin léfi mú asi.) Yée mú sù mliɔtún ahá keté ɔkpúnú ɔɔaké ní a? ²³ Ní mliɔ keté tún ɔkpúnú ɔɔaké, méni mliɔmókúsú líí Mose mbla ámu su á, ntogyi sù mliɔlanyá ɔbló mísú mliaa, natsá nyankɔɔsa kéein ɔkpúnú ɔɔaké? ²⁴ Mliɔ asúntó wankláán, asa amlíha ipón. Mliɔ ɔnɔkwali gyi asún.”

Yesu Iwí Nwéengyí

²⁵ Yerusalemfo aku befité amú iwí bæe, “Megyí oyin ánfí Yudafo ahande buɔedunká abumɔ ní? ²⁶ Megyí mu líí ahátó ɔɔɔtá, amótó ɔkuku mékpla mu a? Ntée ilawánkí amú ání mugyí Kristo, (ɔhá ámúb Bulu ladá mu ofúli amu)

ni? ²⁷ Oyin ánfí mú a, aní fée anyin otínéá otsú, táme ní Kristo ámu obá á, ohaa méebi otínéá otsú.”

²⁸ Bréá Yesu bu músú ode ató ámu suná Bulu otswékpá wunsunésó inu á, olotsu onó fúá blí obéé, “Mliyin mi, mliyin otínéá notsú, táme megyí mí onutó túmísv neba. Onokwalipv ohá ámúbú olowa mí sísí ámu gyí. Mluméyín mu. ²⁹ Táme mí mú nyin mu, tsúfée mulówa mí sísí. Mu wá notsu ba.”

³⁰ Inu bekle abukita mu, táme bumapv ibi da mu, tsúfée mu bré məkófún. ³¹ Táme amútó ahá tsotsotsotso bəhə mu gyi. Mú sv befité beé “Ní Kristo amu obá á, obétalí bwé osúna dun mú ánfí oyin ánfí débwe?”

Bəwa Bəe Bukíta Yesu

³² Bréá Farisifə ámu bonu ání odəm amu bude Yesu iwí asún blí nklobító á, amúá Bulu igyí ahapú dehen amu bəwa Bulu otswékpá agyópv beé bukíta Yesu. ³³ Iní sv Yesu lébláa amú obéé, “Ílasí nke kpalobí pé nétsiá mli wá. Mú oha a, néyinkí yó ohá ámúbú olowa mí sísí ámu wá. ³⁴ Mlódunká mí, táme mlumóowun mi. Mluméetalí ba otínéá mbv é ekekekeke.”

³⁵ Yudafo ahande amu befité aba beé, “Nkónú oyin ánfí obótu okpa yó, sv abódunká mu anumóowun mu? Ntée odekléá obóyo Griikifo awúlu amúbú aní pi badásáín yó músú ámusv, ntée obóyósuná Griikifo ámu ató? ³⁶ Asún ánfí odebli é así mé? Obéé, ‘Mlódunká mí, táme mlumóowun mi. Mluméetalí ba otínéá mbv é.’ ”

Nkpa Ntsu

³⁷ Nke ámu eke tráheá igyi eke títriu á, Yesu lókusú líí kplvn blí obéé, “Ní omewóli de okv á, obá mí wá obonu ntsu. ³⁸ Ohagyíoha ání oləhə mi gyi a, ‘Nkpa ntsu bówi dalí mvto.’ Alí bəwanlín wá Bulu asún ámvto ní.” ³⁹ (Ohe Wankíhé amúbú Bulu obéha ahá ání bəhə mu gyi amu iwí

asún ɔdeblí. Alí bré ámutɔ á, Ɔɗe Wankíhé amu mókúnyá ba, tsúfé Bulu mókúnyá wá Yesu numnyam.)

Ahá Ámutɔ Leye

⁴⁰ Bréá ɔɔm amu bonu Yesu asun blíhé anfi á, amótó aku beblí beɛ, “Lélé, Bulu ɔnósú ɔtáíprú amúú anidé mu ɔkpa kí amu ni.”

⁴¹ Aku é beɛ, “Kristo amu ni!” Táme amótó aku é beblí beɛ, “Yéɛ megyí Galilea ɔmátó Kristo amu obótsu o. ⁴² Bɔwanlín wá Bulu asún ámutɔ beɛ, Owíe Dawid abusuantɔ Kristo amu ɔbédali tsu. Bókwí mu Bethlehem, Dawid wúluto.” ⁴³ Ina Yesu iwí asún ánfí su ikulebwe metsiá amótó. ⁴⁴ Amótó aku bekle abukita Yesu, táme ɔhaa mópru ibi da mu.

Yesu Máhogyi

⁴⁵ Ɔma-ɔma a, Bulu ɔtswékpa agyópru amúú bɔwa sumbí ámu besankí ba Bulu igyí ahapú dehen prú Farisifó ámu wá. Befíté agyópru amu beɛ, “Ntogyi su mlumékítá mu ba?”

⁴⁶ Bele mú ɔnó beɛ, “Ɔhaa mókútóí f́é oyin ánfí kí!”

⁴⁷ Farisifó ámu befíté amú beɛ, “Mú su oyin ámu lamlé mli é. ⁴⁸ Mlilawun ɔhande ntéɛ Farisiyin ɔku lahɔ mu gyi kí? ⁴⁹ Ekekekeke! Ɔɔm anfi bomeyín Mose mbla ámu iwí tɔtɔ. Mú su Bulu ɔlwú amú.”

⁵⁰ Inu Farisifó ámutɔ ɔkule, ogyi Nikodemo amúú ɔlɔɔ Yesu wá onyé ámu léfíté amú ɔbéɛ, ⁵¹ “Ani mbla leha ɔkpa ání abéha ɔku ipón asa abéfíté mu ɔnótó asún nú?”

⁵² Befíté mu beɛ, “Galileayin f́ó é f́ogyi? Kí Bulu asún ámutɔ wankláán. Fówun ání Bulu ɔnósú ɔtáíprú ɔkukukuku móotsu Galilea ɔmátó.” ⁵³ [Inu amú f́éɛ benatí yó wóyító.

¹ Bréá ahá amu bedasáin á, Yesu lódu yó Nfɔ-nyíbu ámusu*. ² Mú ɔyi kehe bake a, oleyinkí ba Bulu ɔtswékpa wunsunésú unu. Ahá ámu féé beba mu wá. Mú su oletsíá así, olefi así ɔde amú ató suná. ³ Bréá ɔdetóí á, Farisifó pú Mose mbala asunápú amu bekpá ɔtsi ɔkúá bakítá mu, ɔde mbvato ba belí amú ansító. ⁴ Mú bebláa Yesu beɛ, “Osunápú, bakítá ɔtsi ánfí mbua ɔtakpá. ⁵ Mose Mbala ámu léblí ɔbéɛ, adáa atsi ánfí odu abwi mɔ. Nkáli fudeblí tsú asón ánfí iwi?” ⁶ Asúnklé sù befité mu asón ánfí, abuyɔto mu ha ahande. Inu Yesu lóbun, pú osrebi ɔde ató wanlín ɔsulúto.

⁷ Bréá butráa buɛ asón ámu fité plá á, olobwíí tsíá, bláa amú ɔbéɛ, “Mlito ɔhá aní ɔmɔkúbwé lakpan kí ogyánkpa da ɔtsi ánfí ibwi.” ⁸ Ɔleblí mú alí á, oleyinkí bun ɔde mu ató wanlín ɔsulúto. ⁹ Bréá ahá ámu bonu mu asón ánfí á, bɔwa natí ukule-kule bi, tsú ahandesu ɔtu nyebísú. Ilesesi Yesu mva ɔtsi ámu nkule ɔbun nsuné unu. ¹⁰ Yesu lóbwií tsíá, ɔlefité ɔtsi ámu ɔbéɛ, “Ɔtsi, nkí ahá ámu mɛ? Ɔkuku mésián aní ɔbéha fú ipón?”

¹¹ Ɔtsi ámu lélé mú ɔnó ɔbéɛ, “Ɔwíé! Ɔkuku méha mí pón o!” Mú Yesu lébláa mu ɔbéɛ, “Ibu alé! Mí é mméha fú ipón! Nati, mátrá bwe lakpan.”]†

Ɔyító Wanki

¹² Inu ɔma a, Yesu léyinkí bláa Farisifó ámu ɔbéɛ, “Mígyí ɔyító wanki ni. Ɔhagyíɔha aní obuɔ mi obénya wanki aní ibéha mu nkpa, oméésin oklúnto ekekεεεε.”

¹³ Inu á, Farisifó ámu bebláa mu beɛ, “Nfóli tamakánfú mu iwi. Fumɔkúblí tɔto.”

¹⁴ Yesu lébláa amú ɔbéɛ, “Ní mí onutó nde mí iwi adánsiε gyí ó á, ɔnɔkwali igyi. Tsúfé mí mú nyin ɔtínéá notsú pú ɔtínéá nɔyó. Táme mluméyín ɔtínéá notsú pú ɔtínéá nɔyó.

* 8:1 Nfɔ-nyíbu igyi obubwí kuá ibu mantáa Yerusalem, butetí mú Olifbu. † 8:11 Ima Griikifó nwulú dada amu akuto.

¹⁵ Anyánkpósa asúngyí òkpasv mlitegyi asún tsvn, táme mí mú ntamagyi òhaa asún. ¹⁶ Ní negyi asún ó á, ònòkwali òkpasv negyi mú tsvn. Tsúfè megyí mí nkule tegyi mú. Mía mí Sí ámúb òlwa mí sísí ámv nyo tegyi mú. ¹⁷ Bòwanlín wá mli onutó Mbla ámvto be, ‘Ní adansífo abanyó beblí asv kua kule a, amú asún ìbv mótó.’ ¹⁸ Mí onutó ntegyi mí ìwì adánsìe. Mí Sí lówa mí sísí. Mv é otegyi mí ìwì adánsìe.”

¹⁹ Befítè mv be, “Nkónú fó sí bv?”

Yesu léle mó ònò òbé, “Mluméyín mí wankláán, mluméyín mí Sí ámv é. Ní mlyin mv wankláán á, tekì mlébv mí Sí ámv é.”

²⁰ Yesu léblí asún ánfì bréá òde ató suná Bulu òtswékpa tswitswì adáka otsiákpá. Táme òhaa mékítá mv, tsúfè mv bré mòkúnyá fun.

Yesu Òsúsúyò

²¹ Yesu létrá bláa amú òbé, “Mí mú nòyó. Mlódunká mí. Mlówu wá mli lakpantò. Mluméetalí ba òtínéá nòyó.”

²² Yudafo ahande amv befítè be, “Mó òbómò mv ìwì, sú òdeblí òbé, mluméetalí ba òtínéá nòyó?”

²³ Yesu léle mó ònò òbé, “Mli mó mlotsú òyí ánfìto, táme mí mú notsú òsúsú. Òyí ánfìtofo mligyí. Mmegyí òyí ánfìtoyin mí mú ngyi. ²⁴ Mú sú nde mli bláa mbée, mlówu wá mli lakpantò ní. Mlówu wá mli lakpantò, ní mlumóhógyi ání ‘Mígyí òhá ámúb mbée ngyi ámv.’ ”

²⁵ Befítè mv be, “Fúgyí ma?”

Yesu lébláa amú òbé, “Òhá ámúb ntebláa mli yáí mbée, ngyi ámv kén ntráa nde mli bláa a. ²⁶ Mbv asún tsòtsòtsòá néblí tsú mli ìwì pòhá mli pón. Táme ònòkwaliyo òhá ámúb òlwa mí sísí ámv gyí. Asún ání nonu tsú mv wá nde mli òyítòfo bláa.”

²⁷ Imòwankí amú ání mv Sì ámúb òbv òsúsú ámv ìwì asún òde amú bláa. ²⁸ Mú sv Yesu lébláa amú òbé, “Ní mledá Nyankpusa-Mv-Bi ámv mántá oyìkpalíhesu, tsú mú líí á,

mlówun ání ‘Mígyí ðhá ámúú mbéε ngyi’ ámu. Mlébi ání ntamabwé tətəwtə mí onutó túmitə. Múá mí Sí lópuwá mu ðnó á, mú nteblí. ²⁹ ðhá ámúú ðlɔwa mí sísí ámu buo mi. ðməkóyínkí mí əma, tsúfé tóá itegyí mu ansí ntəbwé brégyíbré.”

³⁰ Inu ahá ámúú bonu mu asún ánfito tsətsəwtə bəhə mu gyi.

Abraham Abí-aná

³¹ Yesu lébláa Yudafo ámúú bəhə mu gyi amu əbéε, “Ní mlobuo mí atosunáhé a, mligyí mí akasípú lélé. ³² Mlébi ðnəkwalí amu. ðnəkwalí amu íbéha mlégyí iwi.”

³³ Bəblí bεε, “Abraham abí-aná anigyí. Animókúbwé ðhaa nkpábi kɪ. Mú ntogyi sú fúde aní bláa fεε, ‘Mlégyí iwi?’ ”

³⁴ Yesu lélé mú ðnó əbéε, “ðnəkwalí ndε mli bláa. ðhagyíðha ání ətəbwé lakpan á, ogyi lakpan əkpábi. ³⁵ ðkpábi tamatsíá mu wie wóyí yó, obí tetsíá mu sɪ wóyí yó. ³⁶ Mú sv ní Bulu mu Bi ámu ðhá mlegyi iwi á, múmú mliłagyí iwi féé. ³⁷ Nyin ání Abraham abí-aná mligyí, táme mliđékléá mlómə mí, tsúfé mliímóhə mí atosunáhé. ³⁸ Tóá nowun tsu mí Sí wá ndeblí. Mli é asún ání mliłonu tsú mli sí wású mliđégyí.”

³⁹ Bəbláa mu bεε, “Aní sí gyí Abraham.”

Yesu lébláa amú əbéε, “Ní Abraham abí mligyí á, tekɪ mli bwehé lɛliən Abraham. ⁴⁰ Mliđékléá mlómə mí, tsúfé ndε mli ðnəkwalíá nonu tsú Bulu wá bláa. Abraham móbwe alí! ⁴¹ Mli sí bwehé mliđébwε.”

Bəbláa Yesu bεε, “Megyí mbua bətə kwíi aní. Bulu onutó gyí aní Sí. Animá əsí əkukv tsía mvtə.”

⁴² Yesu lébláa amú əbéε, “Ní mli Sí gyí Bulu á, tekɪ mliłədwé mí, tsúfé mu wá notsu ba. Mvlówa mí sísí. Megyí mí onutó túmitə nɛba. ⁴³ Ntogyi sú mliímédé mí ason blíhé asɪ nu? Mliímédé mú asɪ nu, tsúfé mí asún de mli asətə wóo.

⁴⁴ ðbunsám gyí mli sí. Mú sv mliłekleá mlóbwe tóá mli

sí tekle. Ahá ɔmɔpú ogyi tsú nfiasí. Ɖtamabuo ɔnɔkwali. Mú sv ɔnɔkwali kuku uma mutɔ. Ní ɔwá afunu a, mu tsiátó ɔwan ɔdele, tsúfé ofunupu ogyi. Mvgyí afunupu fée ɔsí ní. ⁴⁵ Táme nteblí ɔnɔkwali. Mú sv mlitamahɔ mí asúnsú gyi ni. ⁴⁶ Mlito ma ɔbétalí súná ání lakpan ɔbwepó ngyi? Ní nde ɔnɔkwali blí á, mú ntogyi mlumóɔhɔ mi gyi? ⁴⁷ Ɖhá ání otsú Bulu wá teyáá asu nú mu asún. Mli mú mlumótsú mu wá. Mú sv mlitamayáá asu nú mu asún ní.”

Yesu Mva Nanáin Abraham

⁴⁸ Yudafɔ ámu bebláa mu beɛ, “Ní ablí aniaa Samariayin fugyi, ɔɣe laláɣe bu futɔ á, anilawá afunu?”

⁴⁹ Yesu lébláa amú ɔbéɛ, “Ɖɣe laláɣe ma mító. Ntobú mí Sí, táme mli mú mlitamabú mí. ⁵⁰ Mmedé mí iwí numnyam wa. Ɖha ɔku bu inwá ɔde mú dunká há mí. Mvgyí asún ogyípú wankláán ámu ni. ⁵¹ Ɖnɔkwali nde mli bláa. Ɖhagyíɔha ání otegyi mí atosunáhésv omóowu ekekeɛke.”

⁵² Inu Yudafɔ ámu bebláa mu beɛ, “Séi ánfí mú á, anilawun ání lélé ɔɣe laláɣe bu futɔ! Abraham mva Bulu ɔnósú atɔípú amu bawú. Táme fú mú fudeblí fee, ɔhagyíɔha ání otegyi fú atosunáhésv omóowu ekekeɛke. ⁵³ Aní náin Abraham lówu. Fokí fee fudɔn mu? Bulu ɔnósú atɔípú amu é bowu. Nkálí fúde fú iwí kú?”

⁵⁴ Yesu léle mú ɔnó ɔbéɛ, “Ní nɔwá mí iwí numnyam a, kpaali ígyi. Mí Sí gyí ɔhá ání ɔtɔwá mí numnyam. Mu mlidéblí mlíaa ogyi mli Bulu ní. ⁵⁵ Ibo mótó ání mluméyín mu, táme mí mú nyin mu. Ní neblí mbéɛ mmeyín mu a, nabwé ofunupu fé mli. Mí mú nyin mu, ntegyi mu asúnsú. ⁵⁶ Mli náin Abraham lénya ansigyí ání mówun mí bábi. Olowun mú é, ansí legyi mu.”

⁵⁷ Yudafɔ ámu bebláa mu beɛ, “Fumɔkóhɔ nfí aduenu (50) kúráá, mú fee fɔtu Abraham?”

⁵⁸ Yesu lébláa amú ɔbéɛ, “Ɖnɔkwali nde mli bláa. Mbu inu asa bɔkwí Abraham.”

⁵⁹ Yesu lénya blí alí pé, ahá ámu bəkolá abwi bæ abutswi da mu mə. Táme Yesu lóbwe híéé, dáli Bulu ɔtswékpa wunsunésó mu.

9

Ansibi Obwiepú Ɔku Tsa

¹ Eke ɔku Yesu mua mu akasípú buna ɔkpatə, bowun oyin ɔkúá bəkwí mu ansibi obwiepú. ² Yesu akasípú amu befité mu bæ, “Osunápú, ma lakpan sù bəkwí oyin áñfi ansibi obwiepú? Mu onutó lakpan su lóó, ntée mu akwíú?”

³ Yesu léle mú ɔnó ɔbéé, “Megyí mu ntée mu akwíúú lakpan su bəkwí mu ansibi obwiepú. Mboún alíá Bulu ɔbéle mu túmi súná tsun mu ilo ámutə su. ⁴ Ulasí kpalobí owí ɔbéta. Ɔhaa méetalí trá yə agyómá. Mú su ilehián ání abóyə agyómá ámutú ɔhá ámutú ɔlɔwa mí sísí ámu lɔwa mí ɔbéé nyóó amu. ⁵ Íniá nenyə mbu ɔyi áñfitə á, mígyí ɔyi áñfitə wanki.”

⁶ Bréá Yesu lébláa amú asún áñfi tá á, olotu atsunó tswi ɔsulúto, ɔlɔpu osrebi tsíá isi, títi mú tan ansibi obwiepú ámu ansíbisu. ⁷ Múú ɔlebláa ansibi obwiepú ámu ɔbéé, “Nati yəfwí ansító Siloam paatitə.” (Siloam asi gyí, “Bəwa mu sísí.”) Oyin ámu lóyófwí ansító yínkí ɔbá wóyí á, ɔde ató wúun.

⁸ Mu aba pú ahá ání butowun mu ɔde ató kulí befité bæ, “Megyí oyin áñfi tetsíá kulí ató bré ámu ni?”

⁹ Amútó aku bæ, “Mu ni!” Aku é bæ, “Ó-o, lían ɔlelian mu.”

Imu oyin ámu onutó lébli ɔbéé, “Mí ní.”

¹⁰ Befité mu bæ, “Nkálí uləbwe asa fude ató wúun ngya?”

¹¹ Ɔlele mú ɔnó ɔbéé, “Oyin ámutú butetí mu Yesu amu lóbwe ɔdiba tan mí ansíbisu. Múú ɔlebláa mi ɔbéé, nnáti yəfwí ansító Siloam paatitə. Noyófwí, múú nde ató wúun a.”

¹² Befit́é mu beε, “Nkónú ɔbu?” Múú ɔlele mú ɔnó ɔbéε, “Ohwée.”

Farisifo Ansibi Obwiepú Ámu Asún Fit́é

¹³ Inu bekpá oyin ámúú tekí ogyi ansibi obwiepú ámu yáa Farisifo wá. ¹⁴ Eke ámúú Yesu lóbwe ɔdiba púbwíí mu ansibi amu igyi ɔkpúnú ɔdaké. ¹⁵ Mú su Farisifo ámu belafit́é oyin ámu alá ulóbwe asa ɔde ató wúun. Ɖlebláa amú ɔbéε, “Ɖdiba ɔlɔputan mí ansibisu, nɔyɔfwí ansító. Múú nde ató wúun nya a.”

¹⁶ Farisifo ámu aku beblí beε, “Megyí Bulu ɔha oyin ámúú olobwíí mu ansibi amu gyí, tsúf́é ɔtamagyi ɔkpúnú ɔdaké mbala ámuvsu.”

Táme aku é befit́é beε, “Nkáli lakpan ɔbwepú ɔbétalí bwé osúna anfi odu? Asún ánfí su bumetrá bwe kule.”

¹⁷ Mú su belafit́é oyin ámu beε, “Fεε mulóbwíí fú ansibi. Amansu fubu blí tsú mu iwí?”

Oyin ámu léle mú ɔnó ɔbéε, “Bulu ɔnósú ɔtɔpú ogyi.”

¹⁸ Yudafo ahande amu bumohogyi ání lélé, bɔkwíí mu ansibi obwiepú asa séi ɔde ató wúun, kpéfɔn bréá beti mu akwíúpú ba. ¹⁹ Befit́é amú beε, “Mli bí ámúú mlíaa, mu ansibi lobwie asa mlulókwií mu amu ni? Nkáli ulóbwe asa ɔde ató wúun nya?”

²⁰ Mu akwíúpú amu bele mú ɔnó beε, “Aniyin ání aní bí ní. Aniyin ání anilókwií mu ansibi obwiepú. ²¹ Táme alá ulóbwe asa ɔde ató wúun pú ɔhá ání olobwíí mu ansibi mú á, anuméyín. Kókoli mli, mlifite mu onutó. Megyí kebi ógyi, aladan. Ɖbétalí lé mú ɔnó.” ²² Mu akwíúpú amu bude Yudafo ahande amu ifú nya. Mú su beblí alí ní. Tsúf́é ahande amu bablí tswi beε, ɔhagyíɔha ání ɔbéblí ɔbéε, Yesu gyí Kristo, (ɔhá ámúú Bulu ladá mu ofúli amu) a, bégya mu lé Yudafo offiakpa inu. ²³ Mú su mu akwíúpú amu beε, “Megyí kebi ógyi, aladan, mlifite mu onutó!” ní.

²⁴ Belatí oyin á múú bəkwí mu ansibi obwepú á mu otse nyɔɔsi, bláa mu beɛ, “Ka ntam Bulu ansító á ní féblí ɔɔkwali. Anyin á ní lakpan ɔbwepú oyin á múú olobwí fú ansíbi amu gyí.”

²⁵ Múú oyin á mu léle mú ɔɔ́ ɔbéɛ, “Ní lakpan ɔbwepú ogyi o, yilé ɔbwepú ogyi o, mí mú mmeyín. Toku kule pé nyin. Múgyí, teki bré á mu ntamawun ató, táme séi mú ndewúun.”

²⁶ Múú befité mu beɛ, “Nkálí ɔlobwe fú? Nkálí olobwí fú ansíbi amu?”

²⁷ Múú ɔlele mú ɔɔ́ ɔbéɛ, “Nabláa mli dodoodo, táme mlumónu. Ntogyi sú ntráa bla mli? Mli é mlidékéá mlóbwe mu akasípú lóó?”

²⁸ Besia mu, bláa mu beɛ, “Fúgyí mu ɔkasípú. Aní náin Mose akasípú aní mú anígyí. ²⁹ Anyin á ní Bulu lóɔ́ bláa Mose asón, táme anuméyín ɔ́tínéá oyin á nífi mú otsú.”

³⁰ Oyin á mu lébláa amú ɔbéɛ, “Ngya ntɔ asón ní? Mluméyín ɔ́tínéá otsú, táme mlábwí mí ansíbi ni o. ³¹ Aní fée anyin á ní Bulu tamanú lakpan abwepú isu. ɔhá á ní otobú mú, otegyi mu mblasu isu otonú. ³² Tsú bréá Bulu lóbwe gyí ɔ́pá á, ɔhaa mókúnú á ní ɔku labwí ɔhá á ní bəkwí mu ansibi obwepú ansíbi ki. ³³ Ní megyí Bulu ɔha oyin á nífi gyí á, teki ɔméetalí bwé tɔtɔɔɔ.”

³⁴ Ahande amu bele mú ɔɔ́ beɛ, “Fú á nífi fogyi lakpan ɔbwepú tsú bréá bəkwí fú á nífi dékléá fósuná aní asón?” Inonu begya mu lé ofiakpa unu.

ɔ́hétó Ansíbi Bwie

³⁵ Yesu lónu á ní bagya oyin á mu lé ofiakpa unu. Mú su bréá olowun mu a, ɔlefité mu ɔbéɛ, “Fɔhɔ Nyankpusa-Mu-Bi á mu gyi?”

³⁶ Oyin á mu lébláa mu ɔbéɛ, “Owíé, suna mí ɔhá á ní ogyi, mí anho mu gyi!”

³⁷ Yesu lébláa mu ɔ́bée, “Fawun mu dodo. Mvgyí ɔ́há ánfí ɔ́de fú asún bláa séi ánfí á.”

³⁸ Múú oyin ámu lébláa mu ɔ́bée, “Mí Wíé, nahɔ́ fu gyi.”
Inu olosúm Yesu.

³⁹ Yesu léblí ɔ́bée, “Asún ogyíkpa neba ɔ́yí ánfító, méni ahá ání bumédé ató wúun bówun ató. Ahá ání budewúun é ansíbi ibwie.”

⁴⁰ Farisifó akvá bubu Yesu wá unu bonu asún ánfí. Múú befité mu beɛ, “Mó su fudeblí fɛɛ aní é anıgyí ansibi abwiepó?”

⁴¹ Yesu léle mú ɔ́nó ɔ́bée, “Ní ansibi abwiepó mlıgyí á, tekı Bulu méeha mlı ipón. Táme íniá mlıaa mlıde ató wúun su á, mlı lakpan lasin mlısu.”

10

Akúfa ɔ́kparú Mva Mu Akúfa

¹ Yesu léblí ɔ́bée, “Ɖnɔ́kwali nde mlı bláa. Ɖhá ání ɔ́dú tsun akúfa ibansu wíé mótó, ɔ́mɔ́tsun ɔ́kpa ɔ́nó á, owikplu pú ogyo otswapú ogyi. ² Tsúfɛ́ iban ɔ́nó akúfa ɔ́kparú tɔ́tsun wie mótó. ³ Iban ámusu ɔ́kípu tefinkí mó há akúfa ɔ́kparú ámu tebítiwíé. Ɖɔ́pú akúfa amu dá tí amú, butonú mu ɔ́me, ɔ́tekpá amú dáli. ⁴ Ní ɔ́kpá akúfa amu fɛ́é dáli a, otegya amú nkpa, butobuo mu, tsúfɛ́ buyin mu ɔ́me. ⁵ Butamabuo ɔ́fóó. Srı butesrı sí mu, tsúfɛ́ bumeyín mu ɔ́me.”

⁶ Yesu léha amú yébi anfi, táme bumonu mú asi.

Akúfa ɔ́kparú Wankláán Ámu

⁷ Yesu létrá bláa amú ɔ́bée, “Ɖnɔ́kwali nde mlı bláa. Mıgyí akúfa iban ámu ɔ́nó ní. ⁸ Awikplu pú ogyo atswapú ahá ání begyankpá ba fɛ́é bugyi. Akúfa amu bumebi amú ɔ́me. ⁹ Mıgyí akúfa iban ámu ɔ́nó ní. Ní ɔ́ku ɔ́tsun mitó wíé dáli a, tɔ́tɔ́ mótówe mú. Obéyénıya ató gyı mwe. ¹⁰ Owikplu agywun gyı, ɔ́bá bowi, ɔ́mɔ́, oyinta ató. Mı mú neba, méni ahá bényá nkpa ání ulɔ́fon.

¹¹ “Mígyí akúfa ɔkparú wankláán ámu ni. Akúfa ɔkparú wankláán totsúlá hólú mu nkpa há mu akúfa. ¹² Táme akúfa ɔkparú ání ɔde ipa gyí, megyí mu onutó bú akúfa amu tɛsrí ní owun ɔkpataku ɔbá bekitá amó. ɔkpataku ámu tekítá akúfa amu ɔku, atráhe butedásáin. ¹³ Oyin ámu tɛsrí, tsúfé ipa keke odegýí. Akúfa amu nkpa tamahían mu. ¹⁴ Mígyí akúfa ɔkparú wankláán ámu ni. Nyin mí akúfa, mí akúfa é buyin mi, ¹⁵ fé alí mí Sí ámu yin mi á, alí mí é nyin mu ni. Ntòhólú mí nkpa há mí akúfa. ¹⁶ Mbu akúfa bámbá aku é. Buma akúfa iban ánfító. Ilehían ání nékpa amó é ba. Amó é bónu mí ɔme. Amó féé bóbwe akúfa iku kule pú ɔkparú ɔkule.

¹⁷ “Ínu só mí Sí tekle mi asún ní. Tsúfé natsúlá ání nóhólú mí nkpa há ahá, méní nélanyá mú. ¹⁸ ɔhaa méetalí swí mí. Mí onutó latsúlá ání nóhólú mú. Mbu ɔkpa hólú mí nkpa, mbu ɔkpa lányá mú é. Ínu mí Sí lébláa mi ɔbé mbwée ní.”

¹⁹ Mu asun blíhé anfi su Yudafo ahande amu bumetrá bwe kule. ²⁰ Amótó aku beblí beɛ, “ɔhe laláhe bu mu ɔ. Mu nwun ideyintá. ɔhaa mátrá nu mu asun blíhé.”

²¹ Aku é beɛ, “ɔhá ání ɔhe laláhe bu mu ɔ méetalí blí asún anfi odu. ɔhe laláhe ɔbétalí bwíi ansibi obwiepó ansibi?”

Yesu Kiná

²² Ekeá butɔpókáin Bulu ɔswékpa gyurásv Yerusalem lɔfun. Alí bré ámu igyi lilitó. ²³ Yesu lóyo odeki Bulu ɔswékpató ɔtnekvá butetí inu “Salomo Abrándáásó.”

²⁴ Yudafo ahande amu aku befia bomlí mu. Befité mu beɛ, “ɔmenke kén asa fébláa ani ɔnɔkwali amu? Ní fógýí Kristo, (ɔhá amó Bulu ladá mu ofúli amu) a, wuna le mú tii ani.”

²⁵ Yesu lébláa amó ɔbéɛ, “Nébláa mli bɔtsun, táme mlumédéhogyi. Ofúla amó ndébwe mí Sí dátó ámu dé mí iwí adánsie gyí. ²⁶ Táme mlumédéhogyi, tsúfé mlumá mí akúfató. ²⁷ Mí akúfa butonú mí ɔme. Nyin amó, butobuo

mu. ²⁸ Ntehá amú nkpa ání itamatá. Bwómóowu ekekekeke. Ọhaa méetalí swíí mí amú. ²⁹ Mí Sí amúú ọlọpọ amú há mí ámu dun tógyító. Ọhaa méetalí swíí amú lé mí Sí ibitọ. ³⁰ Mía mí Sí anigyí kule.”

³¹ Inu á, Yudafo ahande amu betrá kulá abwi bee abutswi da Yesu mo. ³² Táme Yesu léfité amú ọbée, “Nabwé ofúla tsotsọtsọá itsú mí Sí wá súná mli. Mótó mọmu sọ mlidékléá mléda mí abwi?”

³³ Bebláa mu bee, “Megyí ofúla ání fabwé kukukuku sọ aniaa abéda fú abwi. Alí amúú fablí abususu púkúsú líí Bulusu ámu su. Nyankpusa fugyi, táme fee Bulu fúgyi.”

³⁴ Yesu léfité amú ọbée, “Bumowanlín wá mli Mbla ọwulọ amutọ bee, Bulu ọbée, ‘Mligyí fé Bulu?’ ³⁵ Aniyin ání ọnokwalí Bulu asún igyi. Mú su ní Bulu létí ahá amúú ọlọpọ mu asún há ámu ọbée, bugyi fé mu a, ntogyi sọ mlidé ọbló nya? ³⁶ Mí mó á, mí Sí léle mí yái, ngyi mu kle, ọlọwa mí sísí ọyí ánfító. Ntogyi sọ mlidéblí mlihaa nablí mbée, ‘Bulu mu Bí ngyi’ su nablí abususu púkúsú líí musu? ³⁷ Ní megyí mí Sí agyómá ndebwe mú á, mlumáho mi gyi. ³⁸ Táme ní mí Sí agyómá ndebwe, asa mlumóho mi gyi kóráá á, múmú mliho ofúla amúú ndebwe ámu mó gyi, amlibí ání Mí Sí ámu bu mitọ, mí é mbu mutọ.”

³⁹ Betrá bwe ání békítá mu, táme ọledali amú ibi, nátí sí amú.

⁴⁰ Yesu léyinkí fá Yordan ọbún ba ọtíné amúú Yohane létsiá bó ahá asú ámu, olesi tsiá unu. ⁴¹ Ahá tsotsọtsọ beba mu wá, bude aba bláa bee, “Yohane móbwe osúna kukukuku, táme asún ání Yohane léblí tsú oyin ánfu iwí féeé laba mútó pépéépe.” ⁴² Ahá tsotsọtsọ bọho mu gyi unu.

11

Lasaro Lowu

¹ Oyin ọkúvá butetí mu Lasaro mua mu apio tsihé Maria pú Marta betsiá Betania wúlutọ. Oyin ámu lólọ. ² Maria anfi létseí mu ofobí fánfáánfán wólí aní Wíe Yesu ayabisu,

pó mu imi tsítsi mú nu. Mu pio yínhé gyí Lasaro anfi óda ódele á.* ³ Mú su mu apio tsihé anfi bowa abí sísí Yesu beε, “Owíé, fú ódwepú déle.”

⁴ Yesu lónu asún ámu a, óleblí óbéε, “Megyí iló anfi óbómó mu, mboún íbéle Bulu numnyam ówan. Ibówa mí Bulu mu Bi anfi é numnyam.”

⁵ Yesu tekle Marta mu Maria pú Lasaro fée asún. ⁶ Táme bréá olonu ání Lasaro déle á, óletrá si tsiá ótínéá óbu nkenyó kéké. ⁷ Mú óma a, ólebláa mu akasípú óbéε, “Mliha ayinki yó Yudea.”

⁸ Mu akasípú amu befité mu beε, “Osunápú, nwén nfi Yudafó ahande bakle abuda fú abwi mó. Mú fεε fétrá yinkí yó unv?”

⁹ Yesu lópu yébi lé mú ónó óbéε, “Megyí ónhwíru dúanyó bu ekewóletó? Ní óha ná óyi kehetó á, ótamasúti, tsúfé nsauntó lówankí, su odewúun. ¹⁰ Táme ní óku ná oklúntó á, otosúti, tsúfé ómedé ató wúun.” ¹¹ Asún anfi óma a, óletrá blí óbéε, “Ani nyáwíε Lasaro ladídi, táme nnyó anyetsinkí mu.”

¹² Akasípú amu bebláa mu beε, “Ani Wíε, ní ódedídi mú á, iwí bówa mu ónlín!”

¹³ Lasaro lowu iwí asún Yesu déblí, táme akasípú amu mú bukí beε mu didí keke iwí asún ódeblí. ¹⁴ Inu Yesu lówunáa kpa mú opulu óbéε, “Lasaro lawú. ¹⁵ Mli su ilawá mí ansigyí ání mma unv asa olowu, ménu mlóhó mi gyi. Mliba ayeki mu.”

¹⁶ Inu Toma ání ogyi Tabí† lébláa mu aba ámu óbéε, “Mliha ania munyó fée ayó, ménu ní lowu ígyi kúráá á, ania munyó awu!”

Óhá Ání Ótókúsóa Ahá Tsú Afúlító, Há Amú Nkpa

* 11:2 Iní kén bu 12:1-8tó. † 11:16 Didimus múa Toma asi gyí Tabí Griiki múa Hebri óblító.

¹⁷ Yesu lówie Betania wúluto á, bebláa mu beε bopolá Lasaro ilagyi nkená. ¹⁸ Tsú Betania ya Yerusalem mofun máilu anyo. ¹⁹ Mú su Yudafɔ tsɔtsɔɔtsɔ beba Maria mua Marta gyoɔi ɔhakpá, amó píó lowu su.

²⁰ Benya bláa Marta ání Yesu ɔbá alɪ, ɔɔkvsú yéfia mu ɔkpa. Maria mú lésin wóyító. ²¹ Múú Marta lébláa Yesu ɔbéε, “Mí Wíε, teki ní fubu nfi á, teki mí píó mówu sí mí. ²² Táme séi kóráá nyin ání tógyítóá fɔkulí Bulu á, ɔbéha fú.”

²³ Yesu lébláa mu ɔbéε, “Fú píó ámu ɔbélakúsú.”

²⁴ Marta lébláa mu ɔbéε, “Nyin ání ɔbókvsú eke tráhe amúú afúli bókvsú ámu.”

²⁵ Yesu lébláa mu ɔbéε, “Mígyí ɔhá ání ntɔkúsúa ahá tsú afúlitɔ, há amú nkpa. ɔhá ání ɔlɔhɔ mi gyi owú kóráá á, ɔbétrá tsiá nkpa. ²⁶ ɔhá ání otsie nkpa, ɔlɔhɔ mi gyi é móowu ekekeεke. Fahɔ músú gyi?”

²⁷ Marta lótsulá músú ɔbéε, “Ee! Mí Wíε, nahogyi ání fúgyí Kristo, (ɔhá á múú Bulu ladá mu ofúli), Bulu mu Bi á múú beε ɔbéba ɔyító ámu ni.”

Yesu Lósú

²⁸ Bréá Marta lébli alɪ tá á, oleyinkí ba wóyító betɪ Maria ya itsétó, bláa mu ɔbéε, “Osunápó laba, ɔde fú ti.” ²⁹ Maria lénya nú mú alɪ, ɔɔkvsú yó Yesu wá. ³⁰ (Alɪ bré ámuɔɔ á, Yesu mókónyá wíε wúluto. ɔlí ɔtínε á múú Marta lóyótu mu amu.) ³¹ Bréá ahá á múú butsie Maria wá wóyító, buɔe mu klun yíá ámu bowun ání alakúsú ɔtsáwule pé ɔyó á, bókvsú buo mu. Buki beε ɔyó opulákpá unu yósu.

³² Bréá Maria lówie Yesu wá á, ɔleɔa akpawunu, bláa Yesu ɔbéε, “Mí Wíε, ní fubu nfi á, teki mí píó mówu sí mí!”

³³ Bréá Yesu lówun ání Maria mua ahá á múú bubuo mu amu féé buɔesú a, ilehiε han mu. Mú su mu ansí lepe.

³⁴ ɔlefíté amó ɔbéε, “Nkónú mlulópulá mu.”

lno bebláa mu beε, “Anɪ Wíε, beki.”

³⁵ Inu Yesu lósú. ³⁶ Mú su Yudafo ámu beblí beε, “Kí alíá òtehíé dwé Lasaro!”

³⁷ Táme amótó aku beblí beε, “Megyí oyin ánfí lóbwií ansibi obwiepó ámu ansíbi n. Ntogyi sù òmetalí kítá Lasaro yáí, alawú?”

Lasaro Kusúa

³⁸ Yesu ansí létrá pé, òlenatí yó opulákpá unu. Ibwi alatò bopolá mu, bemináa ibwi tin mú ònó. ³⁹ Inu òlebláa amú òbéε, “Mlumina ibwi ámu le òbó ámu ònó.”

Táme owupó ámu mu pio tsíhé Marta lébláa mu òbéε, “Mí Wíé, nde aná mú á, alayíntá. Nde eke náásí òpá bopolá mu.”

⁴⁰ Yesu lébláa mu òbéε, “Mmebláa fu mbéε ní fohogyi a, fówun alíá Bulu iwí bu ifú?” ⁴¹ Inu bemináa ibwi ámu lé òbó ámu ònó. Yesu lótsu ansí fúá kí òsúsú, blí òbéε, “Mí Sí, nedá fú ipán ání fanú mí òme. ⁴² Nyin ání fotonú mí mpái ekekegyíeke. Táme ahá ánfí bulú nfi ánfí sù nablí alí, méni bóhogyi ání fúlówa mí.” ⁴³ Bréá òlòbò mpái ánfí tá á, òlòkplón blí òbéε, “Lasaro, dalí ba!” ⁴⁴ Lasaro lédalí a, tati klí mu ibí pú mu ayabi. Dúku é klí mu ansító. Yesu lébláa amú òbéε, “Mlísanki mu ònatí.”

Bekiklí Yesu Nwunsu

⁴⁵ Yudafo ámú bobuo Maria ba unu ámu bowun tóá Yesu labwé. Mú su amú tsòtsòtsò bòhò mu gyi. ⁴⁶ Táme amótó aku bòyò yébláa Farisifo ámu tóá Yesu labwé. ⁴⁷ Inunu Bulu igyí ahapú òehen pú Farisifo ámu betí aba asún agyípú fia. Mú bεfité aba beε, “Nkálí abóbwe? Lélé mú á, oyin ánfí dé osúna tsòtsòtsò bwe. ⁴⁸ Ní anuméka mu itin á, òhagyíòha òbòhò mu gyi. Ibéha Romafò béba bobwie aní Bulu òtswékpa amu, yíntá aní òmá!”

⁴⁹ Táme amótó òkuleá butetí mu Kaiafa, ogyi Bulu igyí òhapú òehen ofí ámutò lébláa amú òbéε, “Mlì mú mluméyín òlala! ⁵⁰ Mlumókóbí ání ibu aléá òbakúle obówu ahá féeé nwunsu, dun ání òmá ámutò ahá féeé béhí?” ⁵¹ Megyí Kaiafa

onutó agywun ólɔpɔblí asún ánfí. Táme íniá ofí ámutɔ mugyí Bulu igyí ɔhapú dehen su á, igyí asún ání ɔleblí tswi ání ilehián ání Yesu obówu há Yudafɔ ɔmá. ⁵² Megyí beɛ ɔmá ámu nkɔle pé su obówu, mboún aliá ɔbékpa Bulu ahá ání badásáín fíé bɔwa abato, bóbwe ikɔle su.

⁵³ Tsú eke ámu bɔwa agywun bwe ání bómɔ Yesu bi.

⁵⁴ Íni su Yesu métrá tsiá lé iwí ɔwan Yudafɔtɔ. Mboún ɔlenatí yó wúlu kvá butetí mú Efraim, ání ibu dimbísú. Mwa mu akasípú amu betsiá unu.

⁵⁵ Bré ámutɔ á, Yudafɔ nkeá bópugyi Israelfɔsu Katsun Nke ámu lawíé wóyí tá. Ahá tsɔtsɔɔtsɔ botsu awúlusu dú yó Yerusalem ání bɔyógyɔráa iwí asa nke ámu ifun. ⁵⁶ Bréá bɔyɔ Bulu ɔtswékpa wunsínésú unu á, bodunká ání bówun Yesu. Mú su befité aba beɛ, “Nkálí mlidékú? Mlilahogyi mliaa, ɔbéba nke ánfítɔ lóó?” ⁵⁷ Táme bré ámutɔ á, Bulu igyí ahapú dehen pú Farisifɔ ámu babláa ahá beɛ, ní ɔku owun ɔtínéá Yesu bu a, ɔhá amó ibi, méni beyékítá mu.

12

Ofobí Fánfáánfán Pɔwólí Yesu

(Mateo 26:6-13; Marko 14:3-9)

¹ Ilesi nkensíé abugyi Israelfɔsu Katsun Nke a, Yesu lóyɔ Lasaro amúb ɔlɔkusúa tsu afúlito ámu wúlutɔ Betania. ² Mú ntópwesu bɔtswi ɔpónú há mu. Marta léye atogyihe ɔpónú ámu asi. Lasaro mwa ahá amúb beti ámu bɔwa ibi gyi ató Yesu wá. ³ Inu Maria lópu ofobí fánfáánfán ání ibu ibiá prentua yílé ɔbɔ betsei wólí Yesu ayabisu, ɔlɔpu mu nwunsu-imi tsitsi mó. Ofobí ámu ɔfan lɔhɔ wóyí ámutɔ fíé.* ⁴ Táme Yuda Iskariot, ogyi Yesu akasípú amutɔ ɔkɔle, ɔbéle Yesu há ámu mú léblí ɔbéɛ, ⁵ “Ofobí ánfí bu bíá. Ntogyi sú bumefe mú, pú kóba amu há ahiánfɔ? Mú bíá bóbwe ɔbakúle ofi ɔkɔle akatua.” ⁶ Megyí ahiánfɔ

* ^{12:3} Oyíkvá butetí Naadı nlín butɔpúbwé ofobí ámu.

nwewúun sv Yuda dé asún ánfí blí. Owikplu ógyi sv. Mu wá sika okentebi bu, otetsiá wí kv lé mótó.

⁷ Yesu léblí ɔbée, “Mlusi mu ɔpu ofobí ánfí wuli mí ha mí opuláké. ⁸ Ahiánfɔ mó bétsiá mli wá ekekegyíeke, táme mí mó mméetsiá mli wá yó.”

Bekiklí Lasaro Nwunsu

⁹ Yudafɔ tsɔtsɔtsɔ bonu ání Yesu laba Betania. Mú sv begya ɔkpa yó mu ɔkíkpa. Megyí mu nkule sv bɔyó unv. Beyéki Lasaro amúb Yesu lókusúba tsu afúlito ámu é. ¹⁰ Mú sv Bulu igyí ahapú dehen amv bɔbwe agywun beɛ bómo Lasaro é. ¹¹ Tsúfé mu kusúba tsu afúlito sv Yudafɔ tsɔtsɔtsɔ buɛ ɔma yinkí bɔho Yesu gyi.

Bɔho Yesu Fé Owíe Yerusalem

(Mateo 21:1-11; Marko 11:1-11; Luka 19:28-40)

¹² ɔyi kehe a, ɔɔm amúb baba nke ogyíkpa amv bonu ání Yesu ɔbá Yerusalem. ¹³ Mú sv beka mbláa, bɔpu ɔkpa beyéfia mv. Buɛ okitikíti beɛ, “Hosiána! Bulu oyúla ɔhá anfi ɔna aní Wíe Bulu dátó ɔbá ánfí! Bulu oyúla Israel Owíe amv!”

¹⁴ Yesu lénya afrímú ɔku, ɔlɔɔv bian musv, fé alía bɔwanlín wá Bulu asúntó beɛ,

¹⁵ “Sionfɔ, mlmánya ifú!

Mli Wíe dín afrímú ibísó ɔbá á!”

¹⁶ Yesu akasípú amv buməkəsí nú asún ánfí asi. Táme bréa Bulu lókusúba Yesu tsú afúlito, wá mu numnyam ɔma a, bekaín ání bɔwanlín asún ánfí tsú mu iwí. Mú bɔbwe há mu a.

¹⁷ Aha ání bobuo Yesu bréa ɔletí Lasaro fúli-ɔbótó, kúsúba mu tsú afúlito bɔyɔ músú dá asún ánfí ɔkan. ¹⁸ Ínɔ sv ɔɔm amv beyéfia mv ni. Bonu ání alabwé osúna anfi. ¹⁹ Farisifɔ amv bebláa aba beɛ, “Mlilawun ání anlábwé kásíán. Mlɔkɔ, ahá fɛɛ bayó bubuo mu o!”

Griikifɔ Aku Bodunká Yesu

²⁰ Griikifó aku bubu ahá á múú beba Bulu osúmkrá Yerusalem Israelfosu Katsun Nke ámutá. ²¹ Bọyo Filipino ání otsu Betsaida ání ibu Galilea ómátó wá yébláa mu beε, “Owíé, anidékléá abówun Yesu.”

²² Filipino lébláa Andrea, muva munyo beyébláa Yesu. ²³ Yesu lébláa amú óbéε, “Bré lafun ání bówa Nyankpusa-Mu-Bi ámu numnyam. ²⁴ Ónókwali nde mli bláa. Ní kpolibí məkúwíé óbótó, ikwe, pló á, kpoli ibi-kvle amu kén igyi. Táme ní ikwe, pló á, itabwé abí tsatsótsó. ²⁵ Ní óku tódwé mu nkpa óyí ánfító á, óbóhulí mú. Ní óku é tamadwé mu nkpa á, obénya nkpa ání itamatá. ²⁶ Ní mli tó óku óbéε mósum mí á, ilehián ání obóbuo mi, méni obétsiá ótínéá mbu. Ní óku dé mí sum á, mí Sí óbówa mu numnyam.”

Yesu Lowu Iwu Asón Blí

²⁷ Yesu lóyo músú óbéε, “Séi á, asón dé mí klun háan! Amansu nébli? Blí ntéblí mbéε, Mí Sí, le mí tsu asun wunhe anfitó lóó? Ó-o, mú su neba ni. ²⁸ Mí Sí, wa fú iwu numnyam!”

Iwu á, óme óku lótsu ósósú ba óbéε, “Nawá mí iwu numnyam dodo. Nétrá wa mú.”

²⁹ Bréá ódóm amú bulí iwu ámu bonu óme amu a, beblí beε “Ópráda lapútí.” Aku é beε, “Bulu-óboru lábláa mu asón!”

³⁰ Iwu Yesu lébláa amú óbéε, “Mli su óme anfi lalin, megyí mí. ³¹ Bréá Bulu obégyi óyítófo asón ní. Bréá Bulu óbékplí Óbunsám, óyísú ogyípú amu obíasú ní. ³² Táme mí mú á, ní bedá mí mántá oyikpalíhesu, tsú mú líí á, nékpa ahá féé ba mí iwu wá.” ³³ (Yesu léblí asón ánfí púsúná lowu oduá mówu.)

³⁴ Iwu ódóm amu befité mu beε, “Ani mú anilónu tsú ani Mbla ówolú ámutá ání Kristo, (óhá amúú Bulu ladá mu ofúli amu) obétsiá bré féé. Mú ntogyi su fúdeblí feε, ilehián ání bedá Nyankpusa-Mu-Bi ámu mántá oyísú, tsú mú líí? Ma gyí Nyankpusa-Mu-Bi ámu?”

³⁵ Yesu lébláa amú ɔbéε, “Bré kpalobí kv pé ilasí ání Wanki amu ɔbétrá tsiá mli wá. Íniá Wanki amu trá ɔbu mli wá á, mlinatu wanki amuto, ménu owí méeta wá mli. Tsúfé ɔhá ání ɔna oklúnto tamabí ɔtunéá ɔyó. ³⁶ Bré áñfi wanki† amu trá ɔbu mli wá á, mliho mu gyi, ménu mlóbwe wanki amu abí.”

Yudafɔ Yesu Máhogyi

Bréá Yesu lébláa amú asun anfi tá á, ɔlenatí yéñain. ³⁷ Íniá ɔlobwe osúna tsotsɔotsɔ amú ansító ó á, buməho mu gyi. ³⁸ Íni léha Bulu ɔnósú ɔtɔírú Yesaia asún amúú ɔleblí tswi dodo amu léba mótó. ɔbéε,
“Ani Wíε, ma láho asún amúú aniléblí ámuso gyi?

Ma aní Wíε lalé mu túmi súná?”

³⁹ Mú su bumetáli ho Yesu gyi, tsúfé Yesaia létrá blí ɔbéε,
⁴⁰ “Ani Wíε Bulu lahá bumedéwúun,
búmedé asún nu,
Mú su bumóowun ató,
bumóonu asún, ménu bédamlí ba mí wá,
nétsa amú ilo.”

⁴¹ Yesaia lówun Yesu numnyam. Mú su ɔleblí asún áñfi tsú mu iwí ní.

⁴² Mú ó á, Yudafɔ ahande amu tsotsɔotsɔ bəho mu gyi, táme bumele amú hógyi ɔwan. Tsúfé benya ifú ání Farisifo ámu bébi amú, gya amú lé amú offiakpa. ⁴³ Tsúfé butekle beε ahá bukánfu amú dun ání Bulu ɔbékanfó amú.

Yesu Asún Bulu ɔbópugyi Ahá Asún

⁴⁴ Yesu lókplun blí ɔbéε, “Megyí mí nkule ɔhagyíɔha ání ɔlɔho mi gyi déhógyi. ɔhá amúú ɔlɔwa mí sísí ámu é. ⁴⁵ ɔhagyíɔha ání ɔde mí wúun dé ɔhá amúú ɔlɔwa mí sísí ámu é wúun. ⁴⁶ Naba ɔyí áñfito fé wanki, féki ɔsolúv anfisv iwanki, ménu ɔhagyíɔha ání ɔlɔho mi gyi méésin oklúnto. ⁴⁷ Ní ɔku onú mí asún, táme omegyí mósú á, megyí mí

† 12:36 Yesu gyí Wanki amu.

ἄβῆḡa mu ἰπὸν. Tsúfḗ mmeba asún ogyíkpa. Ahá nkpa ḡhókpa neba. ⁴⁸ ḡha aní okíná mí, ḡmḡhḡ mí asún é bu asún aní bḡpvhá mu ἰπὸν. Mí asun blíhé amu íbḗḡa mu ἰπὸν eke tráḡe amu. ⁴⁹ Tsúfḗ megyí mí onutó túmi nḡputḡí. Mí Sí lḡwa mí sísí. Múléḡa mí asún aní mblí, pḡ alíá mblí mú. ⁵⁰ Nyin aní mu asún ámu itehá nkpa aní itamatá. Mú su asún aní ḡḡwá mí blí kóún nteblí.”

13

Akasípú Amu Ayabiasí Fwí

¹ Asa béfi Israelfḡsu Katsun Nke ámu gyí así á, Yesu lébḡ aní mu bré lafun aní méḡḡalí ḡyí ánfítḡ yḡ mu Sí wá. ḡlḡḡwe ahá ámuḡ bḡgyi mu kle ḡsulḡsu nfi ámu alu yḡfun mu owuké.

² Mva mu akasípú amu befia ntḡpwe ató ogyíkpa. Alí bré ámutḡ á, ḡbunsám lawúna wie Simon Iskariot mu bi Yuda kluntḡ aní ḡyḗle Yesu ha. ³ Yesu yin aní mu Sí lḡpu tḡgyítḡ wá mu íbitḡ. Oyin aní Bulu wá motsu ba, mu wá méyinkí yḡ ní. ⁴ Mú su ḡlele íbḡ ḡlepe ámutḡ, ḡlḡksú wḡí mu atadiḡ tswí, tsú ḡsan sába. ⁵ ḡletseí ntsu wá onuwétḡ, olefi así ḡḡe mu akasípú amu ayabiasí fwí. ḡfwí ḡmáyin a, alapú mu osíétḡ ḡsan ámu tsítsi mu ayabiasí. ⁶ Bréá ílḡḡ Simon Petro a, ḡlefítḡ Yesu ḡbé, “Mí Wíé, fú ḡbḡfwí mí ayabiasí?”

⁷ Yesu léle mú ḡnḡ ḡbé, “Fumḡónu tḡ ánfí ndebwe ánfí así séí. ḡma asa fḡbonu mú así.”

⁸ Múḡ Petro lébláa mu ḡbé, “Ó-o! Mméesi, afufwí mí ayabiasí ekekeke.”

Yesu lébláa mu ḡbé, “Ní mmḡfwí fú ayabiasí á, fuméenya ogyíkpa mí wá.”

⁹ Simon Petro lébláa mu ḡbé, “Mí Wíé, megyí mí ayabi nkulḡ. Wuna fwí mí íbḡ pḡ mí nwuntḡ é.”

¹⁰ Yesu lébláa mu ḡbé, “ḡhá aní alabie ntsu métrá hián ntsubíe. Mboún mu ayabiasí fwí pé, tsúfḗ alalun dodo. Mlí íwí lalin, táme megyí mlí féé.” ¹¹ (Yesu lébláa mu alí, tsúfḗ

oyin ɔhá ání ɔbéle mu há. Mú su ɔleblí ɔbéé, “Megyí mli fée lálun” ni.)

¹² Bréá ɔɔfwí amó ayabiasí tá á, ɔlelatsú mu atadié wá, yínkí yétsiá ɔpónú ámu así. Mú ɔlefíté amó ɔbéé, “Mlilanú itó ánfí nabwé há mli ánfí así? ¹³ Mlitetí mí ‘Osunápó,’ mlitetí mí ‘Owíé.’ Mú ɔkpa ní, tsúfé mú ngýí ní. ¹⁴ Ní mí ání ngýí mli osunápó pú mli Wíé, nafwí mli ayabiasí á, múmú ilehián ání mli é mlófwí mli aba ayabiasí. ¹⁵ Nabwé súná mli, méní mlóbwe mú alí ámúú nabwé mú há mli ámu. ¹⁶ Ɖnɔkwali nde mli bláa. Osúmpú ɔkuku módun mu wie. Alí kén sumbí ɔyɔpú módun ɔhá ání ɔlɔwa mu ni. ¹⁷ Íniá mlilabí ɔnɔkwali anfi á, Bulu obóyulá mli ní mlegýí mósú.

¹⁸ “Megyí mli fée iwí asún ndeblí. Tsúfé nyin ahá ání nalé. Táme lehián ání Bulu asún ánfí íbɛba mútó. Asún ámu ɔbéé, ‘Ɖhá ámúú mía mvnyɔ anidé íbɛ wa ɔlepetɔ ámu lakúsú líí mísú.’ ¹⁹ Nde mli bláa séi asa íba, méní ní íbá á, mlóhɔ mí gyí ání mígyí ɔhá ámúú mbéé ngýí ámu ni. ²⁰ Ɖnɔkwali nde mli bláa. Ɖhagyíɔha ání ɔlɔhɔ ɔhá ání nɔwa sumbí lahɔ mí. Alí kén ɔhagyíɔha ání ɔlɔhɔ mí lahɔ mí Sí ámu ɔlɔwa mí sísí ámu é ní.”

Yesu Le Há

(Mateo 26:20-25; Marko 14:17-21; Luka 22:21-23)

²¹ Bréá Yesu léblí asún ánfí tá á, asún ihíé de mu háan mu klɔntɔ. Mú su olowunáa kpa mú tati ɔbéé, “Ɖnɔkwali nde mli bláa, mliɔ ɔkule ɔbéle mí há.”

²² Akasípú amu bekpélé kí aba ansító, tsúfé bumeyín amótó ɔmúvá ɔde. ²³ Akasípú amutɔ ɔkoleá otsie mantáa Yesu, gyí ɔmúvá Yesu tehié dwé ní. ²⁴ Mú su Simon Petro lóbun mu ansíbi ɔbéé, ɔfíte mu ɔhá ání ɔbéle mu há.

²⁵ Múú ɔkasípú amu léyínkí kpísá Yesusu, fíté mu ɔbéé, “Mí Wíé, ma ɔbéle fú há?”

²⁶ Yesu lébláa mu ɔbéé, “Ɖhá ámúú nébia bodobodo, púdá oputsútó há ámu gyí mu ni.” Inu olebia bodobodo

pódá oputsútó há Yuda, ogyi Simon Iskariot mu bi.
²⁷ Olenya hɔ mú alí, ɔbunsám lówie mutɔ. Mú su Yesu lébláa mu ɔbéé, “Bwe tóá fudekléá fɔbwe sasa!” ²⁸ Ahá ámúú butsie ɔpúnú ámu asi ámutɔ ɔkuku mébi tóá svá Yesu lébláa mu asón ánfí. ²⁹ Amútó aku buki bée, Yuda gyí amú sikasu ɔkípu. Fíalí Yesu dé mu bláa ɔbéé, ɔyóhɔ atóá bɔpɔgyi nke ámu, ntéé ɔpúú tɔku ya ahiánfɔ.

³⁰ Yuda lénya hɔ bodobodo amu alí, ɔledali. Owí latá alí bré ámu.

Mbla Pɔpwe

³¹ Yuda lénya dáli obuto unu alí Yesu lébli ɔbéé, “Bréá Mí, Nyankpusa-Mu-Bi ánfí numnyam bélin ɔwan ní. Bulu ɔbótsun misu lé mu numnyam ɔwan. ³² Ní ɔtsun misu lé mu numnyam ɔwan á, alí kén ɔbótsun mu iwisu lé mí numnyam ɔwan ní. ɔbówa mí numnyam ununu. ³³ Mí abí, mméetrá tsiá mli wá, wá ɔpá. Mlódunká mí. Alí ámúú nebláa Yuda fɔ ahande amu mbée, ‘Mluméetalí ba ɔtínéá nɔyó ámu’ a, alí kén nde mli bláa mli é ní. ³⁴ Mbla pɔpwe ndewa há mli mbée, mli dwe aba. Alí ámúú nɔdwe mli ámu a, alí kén mli pú ɔdwe ámu dwe mli aba ní. ³⁵ Ní mli dé aba dwe á, ibósuná ahá fée ání mí akasípú mligyí.”

Petro ɔbóswí ɔbéé Mumeýín Yesu

(Mateo 26:31-35; Marko 14:27-31; Luka 22:31-34)

³⁶ Simon Petro léfité Yesu ɔbéé, “Mí Wíé, nkúnu fɔyó?”

Yesu léle mú ɔnó ɔbéé, “ɔtíné ámúú nɔyó ámu a, fuméetalí buo mi yó unu séi. Táme oma a, fóbobuo mi.”

³⁷ Petro léfité mu ɔbéé, “Mí Wíé, ntogyi sú mméetalí buo fu séi. Nówu fú sv!”

³⁸ Yesu léfité mu ɔbéé, “Fówu mí sv? ɔnɔkwali nde fú bláa. Fóswí pú ibi wá ogyá tse sa fée fumeyín mí asa bate ɔbéle ɔnó.”

14

Ἰσὶ Ἄμυ Βά Ὀκπα

¹ Yesu lébláa mu akasípú amu ὀβέε, “Opúni mátsií mli. Mliḥo Bulu gyi, amlihō mi gyi. ² Otsiákpá tsotsōtsō bu mí Sí wóyító. Ní otsiákpá ma unu á, teki mmebláa mli mbéε neyéla unu yáí mli. ³ Ní nḡyó yéla otsiákpá amu yáí mli tá á, néyinkí bá bekpa mli yáa mí iwí wá, méni mlétsiá ὀtínéá mbu. ⁴ Mliyin ὀkpa ání ida yō ὀtíné ámúú nḡyó.”

⁵ Inu Toma léfité mu ὀβέε, “Mí Wíé, anuméyín ὀtínéá foyó, nkáli abóbwe abébi ὀkpa ámu?”

⁶ Yesu léle mú ὀnó ὀβέε, “Mígyí ὀkpa ámu, ὀnḡkwali amu pú nkpa ámu. Ḍhaa méetalí yó mí Sí ámu wá, nkéti alatsun musu. ⁷ Ní mliyin mi lélé á, teki mlilabí mí Sí ámu é. Táme séi mú mlilawun mu, mlilabí mu é.”

⁸ Filipino lébláa mu ὀβέε, “Ani Wíé, suna ani fú Sí ámu. Mú kpán tsō ani.”

⁹ Yesu léfité mu ὀβέε, “Filipo! Mbu mli wá dododo. Mú su fumḡkúbí mí? Ḍhagyíḡha ání alawun mi ki lawun mí Sí ámu. Ntogyi sú fúdeblí fεε, nsúna mli Ἰσὶ ámu?

¹⁰ Fumohogyi ání mbu mí Sí ámutō, mu é ὀbu mitō? Asún ánfu nde mli bláa anfi motsú mí onutó wá. Mboún mí Sí ámúú ὀbu mitō ámu dé mu agyú má yō. ¹¹ Ní nde mli bláa mbéε, mbu mí Sí ámutō, mu é ὀbu mitō á, mliḥo mi gyi. Ní mliḡḡḡḡ asún ámusu gyi óó á, ofúla amúú ndebwe ámu su mliḥo mi gyi. ¹² Ḍnḡkwali nde mli bláa. Ḍhagyíḡha ání ὀlḡḡo mi gyi a, ὀbóbwe itḡá ndebwe. Ḍbóbwe mú ḡḡn mí klé, tsúfé mí mú nḡyó mí Sí ámu wá. ¹³ Nóbwe tḡgyítḡá mlḡkúli mí idátó há mli, méni nówa mí Sí ámu numnyam. ¹⁴ Ní mlḡkúli tḡgyító mí idátó á, nóbwe mú.

Ḍḡε Wankíhé Amu lbá

¹⁵ “Ní mliḡḡḡwé mí á, mlégyi mí mblasu. ¹⁶ Nḡkúli mí Sí, ὀbḡpu Ḍma Ḍlúpu bambá sísi mli, ὀbéba betsiá mli wá

bré fée. ¹⁷ Mvgyí Ɔɣe Wankíhé. Mutósúná ɔnɔkwali ání ibu Buluto. Ɔyító ahá buméetalí hɔ mu, tsúfé bumedé mu dunká. Buméebi mu é, táme mli mú mliyin mu, tsúfé ɔbu mli wá, obétsiá mliɔ.

¹⁸ “Mméesi mli tswi fé awumbi. Néyinkí bá mli wá. ¹⁹ Ilasí kpalobí ɔyító ahá buméetrá wun mi, táme mli mú mlówun mi. Íniá mbu nkpa su á, mli é mlétsiá nkpa. ²⁰ Ní eke ámu ifun a, mlébi ání mbu mí Sí ámuɔ. Mli é mliɔ mliɔ fé alí ámuú mí é mbu mliɔ ámu.

²¹ “Ahá ání buɔe mí mblasu gyí a, amúgyí mí adwepó ní. Ɔhagyíɔha ání ɔtɔdwé mí á, mí Sí ɔbódwe mu. Mí é nódwe mu, lé mí iwɔ ɔwan súná mu.”

²² Múú Yuda (megyí Yuda Iskariot) léfité mu ɔbéé, “Mí Wíe, ntogyi sù aní nkule pé féle iwɔ ɔwan súná, megyí ɔyító ahá fée?”

²³ Yesu léle mú ɔnó ɔbéé, “Ní ɔku dé mí dwe á, ɔbóbwe dínká mí atosunáhésu. Mí Sí ɔbódwe mu. Mía mí Sí ámu nyo abéba betsiá mu wá. ²⁴ Ɔhá ání ɔtamadwé mí ɔmóɔbwe dínká mí atosunáhésu. Asún ání ndeblí mlidenu ání motsú mí onutó wá. Mí Sí lówa mí, mu wá itsú.

²⁵ “Nde mli asún ání bláa, séi ání mbu mli wá. ²⁶ Táme Ɔma Ɔlúpó, ogyi Ɔɣe Wankíhé amúú mí Sí ɔbópusí mí idátó ámu obósuná mli tógyító. Ɔbékaín mli asúngyiasún ání nebláa mli.

²⁷ “Iwilwii nde mli ha! Napú mí iwilwii há mli. Megyí mú amúú ɔyítófo butehá ámu odu. Mli máha opúni itsii mli. Ifú é mákitá mli. ²⁸ Nabláa mli ɔɔtsun mbéé, ndenatí, táme néyinkí bá mli wá. Ní mliɔdwé mí á, teki mlénya ansigyí ání nɔyó mí Sí wá, tsúfé ɔɔɔn mi. ²⁹ Nde mli íni fée bláa yaí, méni ní íbá mútó á, mlóhogyi. ³⁰ Mméetrá tóí yó nkpa, tsúfé ɔyísó ogyípo ámu ɔbá. Ɔma túmi mísú. ³¹ Ntonú mí Sí ɔme, méni ɔyítófo bébi ání ntɔdwé mu.

“Mlikusu anati.”

15

Wáun Oyí Onutó

¹ Yesu léblí ðéé, “Mígyí wáun ifla onutó. Mí Sí gyí mú ðópu. ² Bámbigyíbámbiá ibu mí iwí, itamaswíé á, ðekpálí mú tsítsá. Táme kugyíkuá itoswíé á, ðelá mú wankláán, méni ibóswie tsòtsòtsò ðun. ³ Mí atosunáhé anfi mlilanú anfi su mli iwí latun dodo. ⁴ Mlitsia mító, mí é antsia mlitò. Bámbi kukukuku méetalí swíé abí, nkéti itsa mú oyísú brégyíbré. Ali kén mli é mluméetalí swíé abí, nkéti mli bu mutò ní.

⁵ “Mígyí wáun ifla ámu. Mígyí mú abámbi. ðhá aní ðbu mutò, mí é mbu mutò obóswie abí tsòtsòtsò, tsúfé mluméetalí bwé tòtòtò tsun mí òma. ⁶ ðhagyíðha aní ometsie mutò gyí fé bámbiá bakpálí mú bun, ibówoli, békpa mú wá ogyá. ⁷ Ní mlitsie mutò, mí asún é ibu mlitò á, mléfite mí Sí tógyítóá mlidéklé, ðéha mli. ⁸ Ní mloswíé abí tsòtsòtsò á, ibówa mí Sí numnyam. Mú obósuná aní mí akasípó mígyí ní. ⁹ Ali ámúbú mí Sí tòdwé mí ámu a, ali kén mí é ntòdwé mli ní. Mlitsia mító, méni nódwé mli yó. ¹⁰ Ní mlegyi mí mblasu á, nódwé mli yó, fé ali ámúbú mí é ntegyi mí Sí mblasu, ðtòdwé mí yó ámu.

¹¹ “Nabláa mli asún anfi féé, méni ansigyí ámúbú ibu mutò ámu bétsiá mlitò. Fówun ansí bégyi mli wankláán. ¹² Mbla aní ndepuhá mli gyí; mlidwe aba fé aliá ntòdwé mli. ¹³ ðdwe kuku m̀adún aní òku obówu mu nyawie nwunsu. ¹⁴ Ní mlegyi mí mblasu á, mí anyawíe mígyí. ¹⁵ Mmétrá ti mli mí asúmpú. Tsúfé osúmpú méyín tóá mu wie débwe. Nde mliti mí anyawíe, tsúfé nabláa mli tógyítóá nonu tsú mí Sí wá. ¹⁶ Megyí mli léle mí. Míléle mli yáí mbéé, mliyóo amliyoswie abíá ibétsiá bré féé, méni mí Sí ðéha mli tógyítóá mlókulí mu mí idátó. ¹⁷ Mbla aní ndewa há mli gyí, ‘Mlidwe aba.’

Ahá Bólu Mli

¹⁸ “Ní ɔyító ahá buɔe mli lu á, mlikaun ání mí begyankpá lú. ¹⁹ Ní ɔyító ahá mligyí a, teki ɔyító ahá bóɔwe mli fé amú abí. Táme nalé mli tsú ɔyítófɔto, su mlamá amútó. Íni su ɔyítófɔ butolú mli ní. ²⁰ Mlikaun asún ámúú nebláa mli mbée, ‘Osúmpú ɔkuku móɔɔn mu wie’ amusu. Ní ahá buɔn mísú a, mli é bédunká mli su. Ní begyi mí asúnsú á, mli é bégyi mli asúnsú. ²¹ Táme míbú mli, su bópu íni fée gyi mli, tsúfé bumeyín ɔhá ámúú ɔlowa mí ámu. ²² Ní mməkúbláa amú asvansu á, teki buma ipón kuku gyí. Táme séi áñfi mú buma ɔnó lé. ²³ ɔhagyíɔha ání otolú mí tolú mí Sí é. ²⁴ Nabɔɔwe agyómá ání ɔhaa mókúbwé mú odu ki amútó. Ní bumɔpu amú ansíbi wun mú á, teki Bulu méeha amú ipón. Bowun tóá nɔɔwe asa buɔe mía mí Sí lu. ²⁵ Ilehián ání íbéba alí, méní asún ámúú bɔwanlín wá amú Mblato beɔ, ‘Bolu mí kpaali’ ámu íbéba mútó.

²⁶ “Nówa ɔma ɔlípú obótsu mí Sí wá bá. Mvgyí ɔɔe Wankíhé amu. Mutósúná ɔnɔkwali ání íbu Bulutó. Obégyi mí íwi adánsie. ²⁷ Mli é mlégyi mí íwi adánsie, tsúfé mlulatsíá mí wá tsú bréá nefe ató suná asi.

16

¹ “Nabláa mli asún áñfi fée, méní mli méedúda hógyito. ² Yudafɔ ahande bégya mli lé amú ofiakpa. Bré ku kóráá íbéba ání ahá bóɔmɔ mli, súsu beɔ Bulu agyómá buɔeyo. ³ Bópu íni gyi mli, tsúfé buməkúbí mí ntée mí Sí ámu. ⁴ Táme nabláa mli asún áñfi, méní ní íbá á, mlékaín ání nebláa mli yáí.

ɔɔe Wankíhé Gyumagyihe

“Mməkəsí bláa mli asún áñfi, tsúfé mbu mli wá. ⁵ Táme séi nde mli bláa, tsúfé nɔyó ɔhá ámúú ɔlowa mí sísí ámu wá. Táme mlitɔ ɔkuku méfité mí ɔbéɔ, ‘Nkónú foyó.’ ⁶ Ínà nabláa mli asún áñfi su á, awirehɔ lahié kítá mli. ⁷ Táme nde mli ɔnɔkwali bláa. ɔkláa lawá mli ogyá ání nɔyó. Tsúfé

ní mmᵋᵋᵋ á, Ɔma Ɖlípú amu ɔméeba mli wá. Táme ní nᵋᵋᵋ á, nᵋᵋᵋ mu sísí mli. ⁸ Ní ɔbá á, ɔbéle súná ɔyító ahá ání lakpanbwe sv bafwí, ɔbéle tóá igyi Bulu yilébwe pú mu asúngyí é súná amó. ⁹ Bébí ání mísú máhógyi igyi lakpan. ¹⁰ Bébí tóá igyi Bulu yilébwe, tsúfé nᵋᵋᵋ mí Sí wá, mluméetrá wun mi ekekeeke. ¹¹ Bébí tóá igyi Bulu asúngyí, tsúfé Bulu lahá ɔbunsám, ogyi ɔyísú ogyípú amu ipón dodo.

¹² “Mbu asún tsɔtsɔɔtsɔ ání nébláa mli, táme mluméetalí nú mú fée asi séi. ¹³ Ɖᵋe Wankíhé amu tósúná ɔnɔkwali ání ibu Bulutɔ. Ní ɔbá á, ɔbéle asún ání igyi ɔnɔkwali fée súná mli. Tsúfé megyí mu onutó túmito ɔbótáí, mboún ɔbéblí asún kugyíkúá olonu. Ɖbébláa mli múá íbéba é. ¹⁴ Ɖᵋé ámu ɔbówa mí numnyam, tsúfé ɔbébláa mli asún ání nteblí. ¹⁵ Tógyítá mí Sí búv a, mí bú. Mú sv nabláa mli mbée, Ɖᵋé ámu ɔbébláa mli asún ání nteblí ní.

Akasípú Amu Awirehɔ Pú Ansigyí

¹⁶ “Ilasí kpalobí mluméetrá wun mi, táme imóowa ɔpá kuku mlélawun mi.”

¹⁷ Akasípú amutɔ aku befité aba beɛ, “Ngya ntɔ asún ní? Ɖbéɛ, ilasí kpalobí, anuméetrá wun mu, táme imóowa ɔpá kuku, abélawun mu. Ɖdeblí é ɔbéɛ, ‘Nᵋᵋᵋ mí Sí wá?’ ¹⁸ ‘Ilasí kpalobí’ ánífi asi mé? Anumédé asún ánífi ɔdeblí ánífi asi nu.”

¹⁹ Yesu lébí ání akasípú amu budeklé abufite mu asún ámutɔ. Mú sv ɔlebláa amó ɔbéɛ, “Blí ndeblí mbée, ilasí kpalobí mluméetrá wun mi. Táme imóowa ɔpa kuku mlélawun mi. Íni mlídé aba fité ní? ²⁰ Ɖnɔkwali nde mli bláa. Mlósu kpisí, táme ɔyító ahá mú bénya ansigyí. Mlégyi awirehɔ, táme mli awirehɔgyí amu íbéba bemlí ansigyí. ²¹ Ní ikwí de ɔtsi dwiín á, ahvmiti tekítá mu, tsúfé mu iwɔsun wúunbɔ lafɔn. Táme onyákwí tá pé ɔtetan mu iwɔsun ámusu, tsúfé ansí de mu gyí ání makwíí obí wá

oyító. ²² Alí kén igyi há mli ní. Ahumtí de mli séi, táme nélawun mli. Mú su mléhié nyá ansigyí ání ðhaa méetalí ká mli itin.

²³ “Alí eke ámu a, mli méetrá kulí mí tótótó. Ònòkwali nde mli bláa. Tógyitá mlókulí mí Sí mí idátó a, òbéha mli.

²⁴ Bòtu nde mli mlókulí mí idátó. Mlífite, òbéha mli, méní ibéhié wá mli ansigyí.

Yesu Oyísú Gyí

²⁵ “Nde mli asún ánfí bláa ayébisu, táme bré ku béba, mméetrá tóí ayébisu. Nówuná kpa mí Sí asún tati súná mli. ²⁶ Tsú bré ámu su pýa a, mlókulí mí Sí ámu ató mí idátó. Mmedéblí mbéé, mí òbókulí mu ató há mli. ²⁷ Tsúfé mí Sí ámu onutó tódwé mli. Òtódwé mli, tsúfé mlitódwé mí, mlilahogyi ání notsú mu wá. ²⁸ Mí Sí wá notsu ba oyító. Séi á, ndeyinkí tsú oyító ngyó mí Sí ámu wá.”

²⁹ Inu akasípó amu bebláa mu beé, “Èhéen! Séi mú á, futráa fumedétóí ayébisu. ³⁰ Séi mú anulabí ání foyin tógyitó. Mú su mehián ání ðhaa òbétrá fité fú asvansu. Inu lahá anilahogyi ání lélé fotsú Bulu wá.”

³¹ Yesu léfité amú òbéé, “Séi mú mlilahogyi? ³² Bré ku íbá. Ulafun ta, mlédasáín. Mlito okugyíoku òbóyo mu otsukpá sí mí. Táme iméesi mí nkòle, tsúfé mí Sí ámu bu mí wá. ³³ Nabláa mli asún ánfí féé, méní mlótsun misu nyá iwilwii. Mlówun iwíwíwí oyí ánfító, táme mlíwa klun, tsúfé nagyí oyísú dodo!”

17

Yesu Lóbo Mpáí Mu Akasípó Nwunsu

¹ Yesu léblí asún ánfí tá, olotsu ansí fúá kí osúsú bó mpáí òbéé, “Óo mí Sí, bré lafun. Wa mí numnyam, méní mí é nówá fú numnyam. ² Tsúfé feha mí túmi ahá féésú, ání nháa ahá ání feha mí féé nkpa ání itamatá. ³ Nkpa ání itamatá ámu gyí, bubú fú Bulu Ònòkwaliwu òkukúnú

ɔkule pé ánfɪ, abubu mí Yesu Kristo anfi fɔpɔsísí ɔyító ánfɪ.
⁴ Nawá fú numnyam ɔsulúv anfisv, tsúfɛ namó agyómá
 ámúb fɔpɔhá mí ámv fɛ́é ɔnó. ⁵ Mí Sí! Wa mí numnyam
 fú ansító ngya, fɛ alɪ ámúb mbv múb fú wá yáí asa fɔbwe ɔyí
 ámv.

⁶ “Nalé fú súná ahá ámúb fele ɔyító há mí ámv. Fúbú
 amú, fɔpv amú há mí, bagyi fú asúnsú. ⁷ Séi babí ání
 tógyítóá mbv itsú fú wá. ⁸ Tsúfɛ nabláa amú asún ání
 fɔpɔhá mí fɛ́é, banú. Babí ání lélé fú wá notsú, bahogyi
 ání fólówa mí.

⁹ “Nde fú kokóli ha amú. Megyí ɔyító ahá fɛ́é nde mpái
 bɔ há. Mboún ahá ámúb fɔpɔhá mí ámv, tsúfɛ fúbú amú.
¹⁰ Mí klé igyi fú klé, fú klé é igyi mí klé. Fatsun amósú lé
 mí numnyam ɔwan. ¹¹ Nebá fú wá séi. Mmétrá tsíá ɔyító,
 táme amú múb bubv ɔyító. Mí Sí Wankíhé, pv fú idá ámúb
 fɔpɔhá mí ámv túmi kí amósú, méni bóbwe kule fɛ alɪ ámúb
 mía funyɔ anigyí kule amv. ¹² Bréá mbv amú wá á, nektá
 amú wankláán, idá ámúb fɔpɔhá mí ámv túmitɔ. Nele
 ansí kítá amú wankláán. Mmeha amútó ɔkuku mófwɪ, dun
 ɔvumúb ida yáí ání ɔbéhɪ ámv, fɛkɪ Bulu asun wanlínhé
 amv ibéba mótó. ¹³ Nebá fú wá séi. Táme bré ánfɪ ntráa
 mbv ɔyító nfi nde asún ánfɪ blí, méni bénya ansigyí fɛ alɪ
 ámúb mí é mbv ansigyító amv. ¹⁴ Nabláa amú asún ámúb
 febláa mi ámv. Mú sv ɔyító ahá bude amú lu, tsúfɛ butráa
 bumegyí ɔyítófɔ, fɛ alɪ ámúb mí é mmegyí ɔyítóyín amv.
¹⁵ Mmedéblí mbée, fulée amú le ɔyító. Mboún mbée fukú
 amósú wankláán, méni bumóowie lalaha ɔbwepú* ámv
 ibitɔ. ¹⁶ Alɪ ámúb mmegyí ɔyítóyín ngyi ámv a, alí amú
 é bumegyí ɔyítófɔ ní. ¹⁷ Fú asún ámv gyí ɔnɔkwali. Tsvn
 músú afɔpv amú bwe fú klé. ¹⁸ Alɪ ámúb fɔwa mí sísí ɔyító
 ámv a, alí mí é nawá amú sísí ní. ¹⁹ Amú sv nɔpv iwɪ há fú,
 méni amú é bótsun ɔnɔkwali amusu mlí fú klé.

* ^{17:15} ɔbunsám gyí lalaha ɔbwepú.

²⁰ “Megyí mí akasípú amu nkule nde mpái bə há. Mboún ahá ání bótson amú atosunáhésu hə mɪ gyi féé ndebə há. ²¹ Nde mpái bə mbée, amú féé bubwée kule. Mí Sí, ali ámú fubu mitə, mí é mbu futə ámu a, ha amú é abutsia anitə ali kén, fówun ɔyítə ahá bóhogyi ání fólówa mí sísí ɔyítə. ²² Nawá ahá ánfɪ numnyam amúb fəwa mí ámu, méni bóbwe kule fé aliá ntsu tamatsun míá funyɔ nsuné. ²³ Mbu amútə fé aliá fubu mitə, méni bóbwe kule, ntsu móɔtsun amú nsuné. Ní ibá ali á, ɔyítə ahá bébi ání fólówa mí, futədwé amú fé ali ámú futədwé mí ámu. ²⁴ “Mí Sí! Ndeklé mbée ahá ámú fəpɔhá mí ámu bétsiá mí wá ɔtíné ámú mbu amu. Fówun bówun numnyam amúb fəwa mí ámu. Tsúfé futədwé mí asa fəbwe ɔyí. ²⁵ Mí Sí Yilé ɔwepú! ɔyítə bumebi fú, táme mí mu nyin fu. Ahá ánfɪ é buyin ání fólówa mí sísí ɔyítə. ²⁶ Nele fú súná amú. Nétrá le fú súná amú. Fówun ɔdwe ámú futədwé mí ámu itsia amútə, méni mí é nétsiá amútə.”

18

Yesu Kitá

(Mateo 26:47-56; Marko 14:43-50; Luka 22:47-53)

¹ Yesu lóbə mpái ánfɪ tá á, mva mu akasípú amu benatí yótson Kidron tsonkolitə wíé ndobí kutə. ² Yuda amúb ɔlele Yesu há ámu é yin ndobí amutə, tsúfé Yesu mva mu akasípú butetsiá yéfiá unu. ³ Mú su Yuda lékpa Romafə isá akəpú pú Bulu ɔtswékpa agyópu akvá Bulu igyí ahapú dehen pú Farisifə bəwa, bəyɔ unu. Bude mbia, nkandíe pú akətə. ⁴ Íniá Yesu yin tóá ibá musu su á, ɔledali fia amú, fíté amú ɔbé, “Ma mlidédunká?”

⁵ Bele mú ɔnó bəe, “Yesu Nasaretyin amu.”

Yesu lébláa amú ɔbé, “Mí ní.”

(Yuda amúb ɔde mu le há ámu é líí amú wá unu.) ⁶ Bréá Yesu lébláa amú ɔbé, “Mí ní!” á, besankí yédida lalá kpla.

⁷ Yesu lélafíté amú ɔbé, “Mbée, ma mlidédunká?”

Bebláa mu bee, “Yesu Nasaretyin amu.”

⁸ Yesu lébláa amú òbée, “Nakó bláa mli mbée, mí ní. Mú sv ní mí mludédunká mú á, mliha ahá ánfí abunati.”

⁹ (òlebláa amú ahi, méni asón amúò òleblí ámu ibéba mútó. Òbée, “Ahá amúò fòpuhá mí ámuto òkoku mófwí.”)

¹⁰ Inu á, Simon Petro dé òdayí iya anyò, òlebití mú lé, kpá Bulu igyí òhapú dehen osúmpú gyòri isv. Osúmpú amu idá gyí Malkus. ¹¹ Yesu lébláa Petro òbée, “Sankia fú òdayí wa mú òfletò! Imehián ání nówun iwòsun ání mí Sí lahá mí òbée nwúun lóó?”

Yesu Kpa Ya Hana

(Mateo 26:57-58; Marko 14:53-54; Luka 22:54)

¹² Inu isá akòpú ámu, amú òhande pú Bulu òtswékpa agyópu amu bekitá Yesu, klí mu ibi. ¹³ Begyankpá kpá mu ya Kaiafa mu sia Hana. Kaiafa gyí Bulu igyí òhapú dehen offí ámuto ní. ¹⁴ Mùlébláa Yudafo àhande amu òbée, ibu aláá òbakóle obòwu ahá fée nwunsu ní.

Petro Lékiná Yesu

(Mateo 26:69-70; Marko 14:66-68; Luka 22:55-57)

¹⁵ Simon Petro mua òkasípú bambá bobuo Yesu. Bulu igyí òhapú dehen amu yin òkasípú bambá ánfí wankláán. Mú sv olobuo Yesu bitíwíé Bulu igyí òhapú dehen amu wóyító. ¹⁶ Táme Petro mú lési òlú wóyí ámu ònó. Òkasípú bambá ánfí óyin Bulu igyí òhapú dehen anfi lédalí yébláa otsibi òkúá òde wóyí ámu ònó gyo, òlekpa Petro ba wóyí ámuto. ¹⁷ Otsibi amu léfité Petro òbée, “Megyí oyin ámu akasípú amuto òku fúgyi?”

Petro léle mú ònó òbée, “Èkekèkèkè. Mma amútó.”

¹⁸ Atsalí bu inu. Mú sv asúmpú pú agyópu amu bòdudá ogyá, bulú mú asi. Petro é léyelí amú wá, òde ogyá ámu núu.

Bulu Igyí Òhapú Dehen Léfité Yesu Asón

(Mateo 26:59-66; Marko 14:55-64; Luka 22:66-71)

¹⁹ Bulu igyí ÷hapú dehen amv léfité Yesu asún, tsú mu akasípú pú mú atosunáhé iwí. ²⁰ Yesu léle mú ÷nó ÷béé, “Ahá ansító nelí blí mí asún fée. Netsiá súná ató Yudafo offiakpa pú Bulu ÷tswékpa, ÷tínéá ahá fée butefia. Mmēblí asvansu nainto. ²¹ Ntogyi sù fúde mí asún ánfí futé. Fite ahá ání bonu asún ání neblí. Amú yín asún ání neblí.”

²² Bréá Yesu léblí asún ánfí á, unv agyópu amvto ÷kuleá ÷lú mantáa mu léda mu isvto, fíté mu ÷béé, “Alí féle Bulu igyí ÷hapú dehen asún ÷nó ní?”

²³ Yesu lébláa mu ÷béé, “Ní nablí asvkan á, le mú blí ÷hagyíoha onu. Táme ní ÷nòkwali nablí á, ntogyi sv fúde mí da?”

²⁴ Yesu trá ÷da ÷fétó ÷hande Hana lópu mu sísí Bulu igyí ÷hapú dehen Kaiafa.

Petro Létrá Kiná Yesu

(Mateo 26:71-75; Marko 14:69-72; Luka 22:58-62)

²⁵ Simon Petro trá ÷lú ogyá ámu asi, ÷ku léfité mu ÷béé, “Megyí oyin ánfí akasípú amvto ÷kule fugyi?”

Petro lóswí ÷béé, “Èkekεεεε. Mma amótó!”

²⁶ Bulu igyí ÷hapú dehen amv osúmpú ÷ku, ogyi ÷há ámú Petro lékpa mu isv kule amv mu pio léfité Petro ÷béé, “Megyí fúa munyo nowun ndobíi amvto ní?”

²⁷ Petro létrá swí pú ibi wá ogyá. Inunv bate lóbon.

Yesu Kpa Ya Pilato

(Mateo 27:1-2, 11-14; Marko 15:1-5; Luka 23:1-5)

²⁸ ÷yi kehe bake-bake a, bekpa Yesu tsú Kaiafa wóyító ya Roma ÷hande ání ÷de Yudea ÷mású gyí wóyító. Yudafo ahande amv bumedékléa bópu ifin da iwí. Mú sv bumebitíwíe wóyító unv. Tsúfé budekléa béki ání amú iwí letun, méni bétalí gyi Israelfosu Katsun Nke ámu.* ²⁹ Mú

* 18:28 Ní fowíe ÷há ání omegyí Yudayin wóyító a, ifin lada fu.

ali su Pilato lédali ba kpankpá befité amú ɔbéε, “Amansu mlibu blí tsú oyin ánfí iwí?”

³⁰ Bebláa mu beε, “Ní ɔhá ánfí mókóbwé lakpan á, teki animékpa mu ba fu.”

³¹ Pilato lébláa amú ɔbéε, “Mómú mlíkpa mu ya, amliyegyí mu asún mli mbla ɔnó.”

Yudafɔ ahande amu beε mú ɔnó beε, “Animá ɔkpa mó ɔha.” ³² (Asún ánfí léba mótó, méni asún á múbú Yesu léblí tsú mu lowu ání obówu iwí ámu íbéba mótó.)

³³ Inu Pilato léyinkí wíé wóyító. Múú ɔleti Yesu, fíté mu ɔbéε, “Fúgyí Yudafɔ owíε amu ní?”

³⁴ Yesu léle mú ɔnó ɔbéε, “Fú onutó asun fitéhé igyi, ntée aku lábláa fu mí iwí asún?”

³⁵ Pilato léle mú ɔnó ɔbéε, “Yudayin ngyi? Fú onutó ahá pú Bulu igyi ahapú dehen lékpa fú ba mi. Ntɔ fabwé?”

³⁶ Yesu lébláa mu ɔbéε, “Megyí ɔyí ánfíto nde iwíε gyí. Ní ɔyí ánfíto á, teki mí abúɔpu bókwɔ hɔ mi. Bumééha bumóɔpu mí wá Yudafɔ ahande íbitɔ, táme megyí ɔyí ánfíto nde iwíε gyí!”

³⁷ Pilato léfité mu ɔbéε, “Mómú yéε owíε fugyi á?”

Yesu lélé mú ɔnó ɔbéε, “Ɔnɔkwali fablí fεε Owíε ngyi. Mí á, bɔkwú mí nεba ɔyí ánfíto ání mbá ambegyí ɔnɔkwali amu iwí adánsiε. Ɔhagyíɔha ání ogyi Ɔnɔkwali amu klé tɔyaa asu nú mí ɔme.”

³⁸ Pilato léfité mu ɔbéε, “Ntɔ gyí ɔnɔkwali amu?”

Pilato Léha Ɔkpa Ɔbéε Bumóo Yesu

(Mateo 27:15-31; Marko 15:6-20; Luka 23:13-25)

Pilato léblí asún ánfí tá á, ɔletrá dali yɔ Yudafɔ ámu wá wóyí ɔnó inu. Ɔlebláa amú ɔbéε, “Mmɔkówwun lalahe kukukvá nópuphá oyin ánfí ipón. ³⁹ Táme mli amándié ɔnó á, ntesí obu ɔdipú ɔkule há mli Katsun Nke kugyíkuto. Mlidéklé mluua, nsíi Yudafɔ Owíε anfi ha mli?”

⁴⁰ Bɔkplún ìe mú ònó bɛɛ, “Èkɛkɛkɛ! Megyí mu. Si Baraba ha aní.” (Ogyo otswapú Baraba é gyí).

19

¹ Ìnu Pilato léha bɛkpa Yesu ya, yépití mu ató wankláán. ² Ísá akɔpú ámu bɔlv obungyo-awu, bwé mú owíɛpa bun mu nwun, bɔwa mu ligá pɛpɛ kv. ³ Ìnu benatí bwé mu ahinlá bɛɛ, “Yudafɔ Owíe, fú nkpasu ònlɛnsu!” Fówun badá mu usutɔ kpa.

⁴ Pilato létrá dali yɔ wóyí ònó ìnu yébláa amú òbée, “Nakpá mu nɛba mli, amlɛwun ání mmɔkówun lalaha kukv mu iwɛ.” ⁵ Bréá Yesu lédali ba a, obungyo-awu ipa ámu bun mu nwun, òlɔwa ligá pɛpɛ amu. Pilato lébláa amú òbée, “Mu ni!”

⁶ Bulu igyí ahapú dɛhɛn pú Bulu ɔtswékpa agyópu amu benya wun mu pɛ, bɔsvrá okitikítí blí bɛɛ, “Da mu manta oyikpalíhesu! Da mu manta oyikpalíhesu!”

Pilato lébláa amú òbée, “Mli onutó mlikpa mu ya, amlɛyɛda mu manta oyikpalíhesu. Mí mú mmɔkówun lalaha kukv mu iwíá nópɔhá mu ipón.”

⁷ Yudafɔ ámu bebláa mu bɛɛ, “Ani mbla ònó á, ilehián ání obówu. Tsúfɛ òleblí òbée, Bulu mu Bi mugyi.”

⁸ Bréá Pilato lónu asón ánfí á, ifú létrá kitá mu tsía mútɔ. ⁹ Oleyinkí yó mu wóyító yéfité Yesu òbée, “Nkónú fotsú?”

Táme Yesu mékpla mu. ¹⁰ Mú sv Pilato léfité mu òbée, “Fóméekplá mí? Fómeyín ání mbv túmiá nétalí sí fú ntée nétalí há beda fú mántá oyikpalíhesu mó fú?”

¹¹ Yesu léle mú ònó òbée, “Ní megyí Bulu léha fú ɔkpa á, tekɛ fuma túmi kukv mísú. Ìni sv òhá ámúb ɔlɔpu mí wá fú ɔbɛtɔ ámu lakpan òvn fú klé.”

¹² Pilato lónu asón ánfí á, olekle osi Yesu. Táme Yudafɔ ámu bɔsvrá okitikítí kóklúkú blí bɛɛ, “Ní fesi òhá ánfí á,

múmú megyí Roma owíe dehen* mu nyawie fugyi. Tsúfě ɔhagyíɔha aní ɔblí ɔbée owíe mugyi á, alakúsó líí Roma owíe dehensu!”

¹³ Bréá Pilato lónu asún anfi á, ɔlekpa Yesu dáli ba kpankpá, tsíá mu asúngyí obíá aní itsie ɔtunekvá bɔpu abwi bwé inu, butetí inu “Abwito” su. (Butetí inu “Gabata” Hebri ɔblító.) ¹⁴ Eke ámu igyi ogyá ɔdudáké há Israelfosu Katsun Nke. Ibóbwe fě ɔpa dódúanyɔtɔ á, Pilato lébláa Yudafo ámu ɔbée, “Mli Owíe amu ni!”

¹⁵ Bɔsurá okitikíti beɛ, “Kpa mu ya, kpa mu ya, afuyeda mu manta oyikpalíhesu.”

Pilato léfité amú ɔbée, “Ndáa mli owíe manta oyikpalíhesu?”

Bulu igyí ahapú dehen amu bebláa mu beɛ, “Anumá owíe ɔkuku dun Roma owíe dehen!”

¹⁶ Inu Pilato lési Yesu há amú ɔbée buyéda mu manta oyikpalíhesu.

Yesu Da Mántá Oyikpalíhesu

(Mateo 27:32-44; Marko 15:21-32; Luka 23:26-43)

Isá akɔpú ámu bekpa Yesu náti. ¹⁷ Mu onutó olotsu mu oyikpalíhe dínká mu nkanta alu yéwie ɔtunekvá butetí inu “Nwun Okokobi Otsiákpá.” (Butetí inu “Golgota” Hebri ɔblító.) ¹⁸ Beda Yesu mántá oyikpalíhesu inu, beda ayin abanyó aku é mántá nyikpalíhesu mu wá inu. ɔkule bu Yesu binasu, ɔkule é bu mu gyɔpɔsu, Yesu bu amú nsiné. ¹⁹ Pilato lówanlín asún mántá oyikpalíhe amu awunso. Asún ámu gyí, “YESU NASARETYIN, YUDAFO OWÍE.” ²⁰ Yudafo tsɔtsɔtsɔ bekla asun wanlínhé anfi. Tsúfě ɔtíné amúbú beda Yesu mántá oyikpalíhesu ámu ibu mantáa Yerusalem. ɔleha bɔwanlín asún ámu Hebri ɔblí, Roma ɔblí pú Griiki ɔblító. ²¹ Bulu igyí ahapú dehen amu

* 19:12 Roma Owíe dehen gyí Kaesare.

bebláa Pilato βεε, “Máwanlín fee, ‘Yudafō Owíe.’ Mboún wanlun fee, ‘Oyin ánfí ðéé, mígyí Yudafō Owíe.’”

²² Pilato lébláa amú ðéé, “Múá nawánlín á, nawánlín mú dodo.”

²³ Isá akópú ámu beda Yesu mántá oyikpalíhe amusu tá á, botsu mu atadiε, beye mútó aku ana. Okugyíóku klé kulε. Botsu mu ligá ání bōlu mú tsú ósúsú beyi asi. ²⁴ Inu bebláa aba βεε, “Mlímáha abali atadiε ánfí mútó. Mliha atswi abi ki βεε, ma obénya mú.” Asún ánfí léba, méní Bulu asún ámú bōwanlín tswi βεε,

“Beye mí atadiεtō,

bōtswi abi mí ligású” amu íbéba mútó.

Isá akópú ámu bōbwe dínká músú.

²⁵ Yesu mu yin, mu yin mu pio tshé Maria, ogyi Klopa mu ka pú Magdalayintse Maria bulí oyikpalíhe amu asi.

²⁶ Bréá Yesu lówun mu yin pú mu ókasípú ámú ótehié dwé ámu, bulí mantáa inu á, ðlebláa mu yin ðéé, “Amú yín, fú bí ní.”

²⁷ Múú ðlebláa ókasípú amu é ðéé, “Fú yín ní.” Tsú eke ámu a, ókasípú amu lékpa mu ya mu wóyító.

Yesu Lowu

(Mateo 27:45-56; Marko 15:33-41; Luka 23:44-49)

²⁸ Inu óma a, Yesu lówun ání mu agyómá lámó ónó. Múú ðleblí ðéé, “Ómewóli de mí.” Inu léha Bulu asún ámú bōwanlín tswi amu íleba mútó.

²⁹ Onuwé kv tsie inu, ntá ódái íbō mú. Isá akópú ámu bōpu ósapō dá ntá ámutō púsíán oyísú, tsú mú fúá yétin mu ónó. ³⁰ Yesu lékpikpí mú mé. Inu ðleblí ðéé, “Ílatá!”

Múú oloko nwuntō wá, ðlele óhē á.

Yesu Abuntō Ató Wō

³¹ Eke ámu igyi Fieda. Mú óyi kehe igyi ókpónú ódaké kponkponti há Yudafō. Mú su bumekle ání ahá ámu busían

nyikpalíhe amusu yófun owi tahé.[†] Mú sv bøkulí Pilato òkpa bεε ðháa mu isá akòpú abuyebiabía amú ayabi, ménu bókòsí wú, fówun béle amú tsu nyikpalíhe amusu asa owí òta. ³² Mú sv bɔyɔ yébiabía ayin abanyó ámu ayabi. ³³ Táme bréá bowie Yesu wá á, bowun ání alawú dodo. Mú sv bumebia mu ayabi. ³⁴ Táme isá akòpú ámútò òkule lópu mu pía wə Yesu abuntò, ntsu múa obugya lefen dal. ³⁵ (ðhá ámúú olowun mú ámu légyi mú iwí adánsie, fówun mli é mlóhogyi. Megyí afunu igyi. Oyín ání ònòkwali asún mudéblí.) ³⁶ Íni fée léba mótó, ménu Bulu asún ámúú bəwanlín tswi bεε, “Buméebia mu iwú kukukuku” ámu íbéba mótó. ³⁷ Bulu asun wanlínhé amú kén leblí òbée, “Béki ðhá ámúú bəwə mu abuntò pía ámu.”

Yesu Pulá

(Mateo 27:57-61; Marko 15:42-47; Luka 23:50-56)

³⁸ Íni fée òma a, Arimateayin Yosef léba bokokóli Pilato òbée, òpú Yesu fúli amu ha mu. (Yosef anfi buo Yesu ñáintò, tsúfé òde Yudafò ahande amu ifú nya.) Pilato léha mu òkpa. Mú sv Yosef léyele Yesu fúli amu oyópulá. ³⁹ Nikodemo amúú òleba Yesu wá eke òku onyé ámu é léba. Òlòpu afá fánfáánfán aku anyò[‡] ání bəkwε mú wá abato tsòtsòtsò ba. Mú odwin bóbwe kílo advasa (30). ⁴⁰ Ayin anfi bəpú òhráda kíklí afá ámu mántá fúli amu iwí fé alíá Yudafò butəbwé amú afúli asa butopúlá amú. ⁴¹ Ndobíi ku ibu mantáa òtíne ámúú bεda Yesu mántá oyikpalíhesu ámu. Bolotí butátò bwé mú fúli-òbó unv. Buməkúpúlá ðhaa mótó ki. ⁴² Íniá eke ámu igyi ogyá òdudáké, fúli òbó ámu é ibu mantáa unv sv á, bopulá Yesu mótó.

[†] 19:31 Yudafò òkpúnú òdaké tefi así tsú owi tahé. [‡] 19:39 Afá aku anyò ámu adá gyí mire múa aloe.

20

Yesu Kvsó Tsú Afúlitó

(Mateo 28:1-8; Marko 16:1-8; Luka 24:1-12)

¹ Ndawótswító eke gyankpapu, igyi Kwasiada bake-bake, bréá nsaintó mókútítí a, Magdalayintse Maria lóyo Yesu opulákpá unu. Olenya wíe unu alí olowun ání bamína ibwi ámu lé obó ámu onó. ² Mú su oleyinkí sri ba akasípú amúú Yesu tehié dwé mu amu mva Simon Petro wá, bebláa amú obéé, “Balé Yesu obó ámutó. Animéyín otinéá bapú mu yówa!”

³ Múú Petro mva munyo bopu akpa boyó opulákpá unu. ⁴ Amú abanyó ámu féé betsií asrí, táme olesrí sí Petro gyankpá yówie opulákpá unu. ⁵ Bréá olobun ki ntsán ámutó á, olowun ání ohráda ámu kpán dá, táme omebitíwíé mótó. ⁶ Simon Petro lóbatu mu, olatsun bitíwíé ntsán ámutó, olowun ohráda amu da. ⁷ Olowun ohráda amúú boputó mu nwun ámu é, ilokuntá ida ifúntó. ⁸ Akasípú amúú olegyankpá wíe unu ámu é lébitíwíé mótó, wun ohráda ámu pú mú amúú boputó mu nwun ámu alí olohogyi. ⁹ Bré ámutó á, Bulu asun wanlínhé amúú ileblí obéé, ilehián ání Yesu obókusú tsú afúlitó ámu makúnyá wánkí amú. ¹⁰ Beyinkí yó wóyí.

Yesu lwiwanle Súná Magdalayintse Maria

(Mateo 28:9-10; Marko 16:9-11)

¹¹ Táme Maria lési olú opulákpá unu odesú. Bréá odesú a, olobun ki obó ámutó. ¹² Inu olowun Bulu-abopu abanyó ání bowa atadie futútúútú, butsie otiné amúú bopu Yesu fúli tswi amu. Okule tsie mu adianwun, okule tsie ayabiasí. ¹³ Befité mu beé, “Amú yín, nkálí igyi só fudesú?”

Oléle mú onó obéé, “Balé mí Wíe náti. Mmeyín otinéá bapú mu yótswi!”

¹⁴ Ɔleblí tá á, Ɔledamlí kí ɔma. Ɖkí a, Yesu líí mu ɔma, táme ɔmebiá Yesu ni. ¹⁵ Yesu léfité mu ɔbéε, “Amó yín, nkálí ígyi só fudesú? Ma fudedunká?”

Mu mó ɔkí ání ndobíi amuto agyómá ɔyɔpó ní. Mú su Ɔlebláa Yesu ɔbéε, “Ani sí, ní fúlatú mu yótswi ɔtineku á, suna mí, anyetsu mu nati.”

¹⁶ Yesu lókpólí mu ɔbéε, “Maria.”

Ɖledamlí kí, kpólí Yesu Hebri ɔblíto ɔbéε, “Rabuni!” (Mú así gyí, “Osunápú.”)

¹⁷ Yesu lébláa mu ɔbéε, “Mápu ibi da mi, tsúfé mmakónyá yó ɔsúsú mí Sí wá. Mboún nati yebláa mí apíó ámu feε, nɔyó mí Sí ání ogyi mli Sí wá. Nɔyó mí Bulu ání ogyi mli Bulu wá.”

¹⁸ Magdalayintse Maria léyebláa akasípú amu ɔbéε, “Nawun ani Wíε!” Ɖlebláa amó asún ání Yesu lébláa mu.

Yesu lwiɔwanle Súná Mu Akasípú

(Mateo 28:16-20; Marko 16:14-18; Luka 24:36-49)

¹⁹ Kwasiada ámu ntópwesu á, akasípú amu befia. Befin obu wá iwi, tsúfé bude Yudafo ahande amu ifú nya. Inu á, Yesu lébelú amó nsiné, Ɔlebláa amó ɔbéε, “Iwi ilwíi mli.”

²⁰ Ɖlebláa amó alí tá á, Ɖɔpu mu ibito pú mu abunto súná amó. Ansí légyi amó, tsúfé bawun amó Wíε. ²¹ Yesu létrá bláa amó ɔbéε, “Iwi ilwíi mli. Alí á mú mí Sí lawá mí ámu a, alí nde mli wa ní.” ²² Inu Ɖlɔlon ɔhé fó wólí amúsú, bláa amó ɔbéε, “Mliho Ɖhe Wankíhé amu. ²³ Ní mlesí ahá lakpan kíε amó á, Bulu lasíkíε amó. Táme ní mlumésikíε amó á, Bulu méesikíε amó.”

Yesu lwiɔwanle Súná Toma

²⁴ Bréá Yesu léba a, amútó ɔkoleá butetí mu Toma, butelátí mu Tabí má unu. ²⁵ Mú su akasípú atráhe amu bebláa mu beε, “Anulawun ani Wíε!”

Táme Toma lébláa amú òbée, “Ní mmòkòwun mu ibitò ndatobi nlò ámu, kpíe osrebi wá mótó, kpíe ibi wá mu abuntò òlò ámutò á, mmóohogyi ekekeeke.”

²⁶ Nkekwe òma a, akasípú amu betrá fia obu ámutò. Alí eke ámu mú á, Toma bú amótó. Befin obu ámu, támé Yesu lébelí amú nsuné, bláa amú òbée, “Iwí ilwíí mli.” ²⁷ Múú òlebláa Toma òbée, “Kí mí ibitò, kpie osrebi wa nfi. Kpie fú ibi wa mí abuntò. Si nwéen gyí, afuhogyi!”

²⁸ Toma léle mú ònó òbée, “Mí Wíé pú mí Bulu!”

²⁹ Yesu lébláa mu òbée, “Alí ámúú fawun mi ámu su fahogyi lóó? Ansí bégyi ahá ámúú bumòpu amú ansíbi wun, asa bohogyi amu!”

Tóá Svá Bòwanlín Òwulú Ánfi

³⁰ Yesu létrá bwe osúna tsòtsòtsò mu akasípú amu ansító ání bumòwanlín wá òwulú ánfító. ³¹ Támé bawánlín íni, méní mlóhogyi ání Yesu gyí Bulu mu Bi Kristo amu. Asún ánfísu hóggyi òbéha mlénya nkpa ání itamatá mu idátó ní.

21

Yesu Iwíwanle Súná Akasípú Abasiénó

¹ Íni òma a, Yesu létrá le iwí òwan súná mu akasípú Tiberia òpu* ònó tsun òkpa ánfísu. ² Simon Petro mua Toma ání butelátí mu Tabí, Nataniel, otsú Kana wúluá ibi Galilea òmátó, Sebedeo abí ámu pú akasípú abanyó é befia. ³ Simon Petro lékla amú òbée, “Nòyó òpusu yéle aye.”

Bébláa mu be, “Aní é abóbuo fu yó.” Íni su boyówie òkluntò nátí. Támé betsiá ntsusu onyé ámu fée, bumenya tótò. ⁴ Bréá òyí ibá beke a, bowun òku líí òpu amu ònó. Bumebi ání Yesu ni. ⁵ Múú Yesu léfité amú òbée, “Mí anyawíe, mluménya tótò?”

Béle mú ònó be, “Ee!”

* ^{21:1} Butetráa ti mú Galilea òpu.

⁶ Yesu lébláa amú ɔbéε, “Mlitswi asawu amu wa gyɔpɩsu fún, mléle aye.” Mú su bɔtswi wa ɩnu. Aye lɔbulá asawu amu, bumetalí bítí mú lé.

⁷ Mú ɔkasípú amú Yesu tɛhié dwé ámu lébláa Petro ɔbéε, “Ani Wíε Yesu ni!” Bréá Petro lónu ání ani Wíε Yesu ni á, olotsu mu atadiε mla ɩwi. (Tsúfé ɔlɔwáí mu atadiε tswi), olotu wíε ntsu ámuɔɔ gyuaa, ɔdepítí ɔyó Yesu wá. ⁸ Táme akasípú atráhe amú bubu ɔklontɔ ámu bebitía asawu amú aklemetí bubu mú ámu ba otsubúnɔ, tsúfé buma ífɔ ɔpu ɔnó ɩnu. Mú ífɔtɔ bóbwe fé ayabi lafasa (300). ⁹ Bréá bowie ɔpu ɔnó á, bowun ání bawá agyawunu ogyá, bude iye tɔ músú, bodobodo é da mú asi. ¹⁰ Mú Yesu lébláa amú ɔbéε, “Mlile aklemetí amú mlilalé ámu ku ba.”

¹¹ Mú su Simon Petro léyinkí dú wíε ɔklon amuɔɔ, ɔleyébitía asawu amú aklemetí akpɔnkpɔnti bubu mú ámu bɔtswi ɔpu ɔnó. Aklemetí ámu bugyi lafakule aduenu-sa (153). Íniá butso ó á, asawu amu metítí. ¹² Yesu létí amú ɔbéε, “Mlibegyí ató.” Amútɔ ɔkuku métalí wá klun fíté mu ɔbéε, “Ma fugyi?” Tsúfé bebi ání amú Wíε ni. ¹³ Yesu lótsu bodobodo amu há amú, olotsu aye amu é há amú.

¹⁴ Bulu lókusúa Yesu tsú afúlito ɔma a, ɩni gyí otse saasi ání ɔlele ɩwi ɔwan súná mu akasípú amu ni.

Yesu Mva Petro

¹⁵ Bréá begyi nyanki atogyihe amu tá á, Yesu léfité Simon Petro ɔbéε, “Yohane mu bi Simon, futɔdwé mí dun fú aba ánfí lóó?”

Petro léle mú ɔnó ɔbéε, “Ee, mí Wíε, fuyin ání ntɔdwé fú.”

Yesu lébláa mu ɔbéε, “Kí mí akúfabi amusu.” ¹⁶ ɔletrá fité Petro otse nyɔɔsi ɔbéε, “Yohane mu bi Simon, futɔdwé mí?”

Petro léle mú ɔnó ɔbéε, “Ee, mí Wíε, fuyin ání ntɔdwé fú.”

Yesu lébláa mu ɔbéε, “Kpa mí akúfa amu.” ¹⁷ Yesu léfíté mu otse saasi ɔbéε, “Yohane mu bi Simon, futɔdwé mí lélé?”

Ulehan Petro, tsúfé otse saasi Yesu lafíté mu ɔbéε, “Futɔdwé mí?” á. Mú su ɔlele mú ɔnó ɔbéε, “Mí Wíé, fú onutó fuyin tógyító. Yéε fuyin ání ntehié dwé fú!”

Yesu lébláa mu ɔbéε, “Kí mí akúfa amusu. ¹⁸ Ɖnɔkwali nde mli bláa. Bréá fúgyi ɔyasubi á, fú onutó futetáli tsú fú atadie híhie iwi, kúsú yó ɔtínegyíɔtínéá fudeklé. Táme ní fɔbwé oyin dehen a, fétinkí ibi, há ɔku ɔbedidá fú ató, kpá fú ya ɔtínéá fumedékle.” ¹⁹ (Yesu lébli asún ánfí, púsúná ɔkpa ání Petro ɔbótson músú wú pówá Bulu numnyam.) Inu ɔlebláa Petro ɔbéε, “Buo mi!”

Yesu Mva Ɖkasípúá Ɖtehié Dwé

²⁰ Petro lédamlí kí a, Yesu ɔkasípú amúú ɔtehié dwé ámu buo amú. (Mugyí ɔhá ámúú oleyinkí kpísá Yesusu ntópwe ató ogyíkpa, fíté mu ɔbéε, “Owíé, ma ɔbéle fú há?” ámu ni.)

²¹ Bréá Petro lówun mu a, ɔlefíté Yesu ɔbéε, “Mí Wíé, ntɔ ɔbéba oyin ánfí éśú?”

²² Yesu léle mú ɔnó ɔbéε, “Ní ndeklé mbéε otsía nkpa yófun bréá néyinkí ba a, fú asún igyi? Fú mú buo mi wule!”

²³ Asún ánfí ulekléí wá Yesu abúopu amutɔ, ání alí ɔkasípú amu mú móowu. Táme Yesu mébli ɔbéε, omóowu. Blí ɔlebli ɔbéε, “Ní ndeklé mbéε, otsía nkpa yófun bréá néyinkí ba a, fú asún igyi?”

²⁴ Mugyí ɔkasípúá olowun íni féeé, ɔlɔwanlín mú tswi ni. Aniyin ání mu asun blíhé anfi igyi ɔnɔkwali.

Ɖnómɔ

²⁵ Ató tsɔtsɔtsɔ itráa bu invá Yesu lóbwε tsía ínitɔ. Ní bɔwanlín mú féeé wá nwulótó ikule-kule a, tekti buméenya nwulú ámu ɔyaíkpa ɔsolúv anfisv. Natóí tá.

Bulu ntam pɔpwe; Nkonya
New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 13 Mar 2019 from source files dated 13 Mar 2019

01b09958-fa53-51d1-aae0-88c7e9302503